

Александр НЕКРАСОВ

(Гамса)

ОЛӖМЫСЛӖН РӖМПӖШТАН



Александр Некрасов (Гамса)

ОЛӨМЫСЛӨН РӨМПӨШТАН



*Серамбана
кывбургъяс да висьтъяс*

Сыктывкар
Издательство «Полиграф-Сервис»
2007

ББК 84 (2 Рос-Коми) – 16
Н 48

Гижысь пöся аттьöалö С.В.Андреяхинöс, Зöвсьöртса панера вöчан комбинатысь генеральной директорöс, тайö небöгсö лэдзны отсалöмысь.

Некрасов А.И.

Н 48 Олöмыслөн рöмпöштан. Серамбана кывбурьяс да висетьяс. – Сыктывкар: издательство «Полиграф-Сервис», 2007 – 84 л. б.

Тайö нейджыд небöгас А.Некрасов öтувтис «Чушканзи» журналын да «Коми му» газетын йöзöдлöм серамбана висетьяс да кывбурьяс. Быд гижöдын гажа, сьöлөм вöрзьöдана серам, шмонь, теш. А.Некрасов эрдöдö олöмысь тырмытöмторьяс, серам вылö лэптö дышьясöс да горшьясöс, юксь-кодалысьясöс.

ББК 84 (2 Рос-Коми) – 16

© Некрасов А.И., 2007
© Моторин В.А., серпасалысь, 2007
© Издательство «Полиграф-Сервис», 2007

СЕРАМБАНА КЫВБУРЪЯС



КОМИ КАТША ГОЗЪЯ

Коми катша гозъя
Сёрнитöны позъяс:
– Мыйла миян ныв
Оз тöд коми кыв?
Школа-сайдйын ёна
Кывсö ёрис Ёма,–
Шуис батыс тадз,
Вот öд кöчамач.
– Асьным лэбач чукöр
Песим коми югöр:
Нывлы лун и вой
Рочön китшким мойд,–
Казьтис нывлön мамыс
Верöсыслы рама.
– Мый кöть öнi вöч,–
содтис Катша пöч.

МОРТ ДА СЫЛÖН СЁРНИ

Веськыд сёрниа мортысь
Тэ эн видзчысь, эн пов.
Сийö лоас тэд ёртön,
Синмад оз койышт сов.

Но код чукльöдлö сёрни,
Сылön кык пöлс бан,
Вермö син саяд ёрны.
Сэтшöм мортыслön сям.

ЛӨСЯЛІСНЫ ЕМ ДА СУНИС

Өти гажа тувсов лунö
Емлы сунис шуис кыв:
«Некор, мусай, ог вунöд,
Тэнад медся небыд сыв».

Уна рөмөн ем да сунис
Серөдлісны олөм бан.
Олөм лөсьыда зэв муніс,
Көть тэ сійөс выльысь пан.

Сөмын кыськө шог тай воис,
Чегис емлөн лэчыд йыв.
«Сунис мөдкөд кыö-вурö,
Сьылö гажа сьыланкыв».

КОДІ ТАЙÖ

Кортөг локтас нимлун вылö.
Өтнаслысь и горсö кылан:
– Сур ни вина мен оз ков,
Наысь дөзмö юр и лов!

Быд пöрйö көть тадзи шуö,
Син балявмөн ачыс юö.
Пирөг, шаньга, черинянь
Горзьөдлытөдз сөйлö Вань.

Мөд лун бара ветлө-корсьö,
Оз-ö көнкö сьывны-ворсны?
Ачыс абача кодь ён,
Коді тайö, тöдан он?

ГОРШАСЬНЫ ОЗ ТУЙ

Өти гожся шоныд лунö
Шырöс кутіс наян сюзь.
Шердын пасьта лоис нюмыс:
Талун тшыгйөн пö ог усь.
– Энлы тэрмась тэ, ад горшöй,
Менö сёйны,– шуис шыр.
– Котöртла ме сиктö-гортö,
Ме кодь ичöt ныр сэн тыр.
Талун локталасны найö
Татчö сьывны сьыланкыв.
Тöдса ёрглөн верöс сайö
Петны дасьтысьö шыр ныв.
Чукöстла ме сиктысь öнi
Чивгысь чукөр пырысь-пыр.
Локтас шыр нылыслөн жöник,
Сійö оз жö лэптав ныр.
Тэнö кора: «Шондi вылö
Дзоргы бура, эн кунь син.
Мыйөн кылан гора сьылöм,
Сэтчань гусьöникөн сын».
Лунтыр сюзьыд ужын виччас
Гöгрöс синсö тiлигмоз.
Регыд кыа чужöм мыччас,
Гора сьылöм оз кыв, оз.
Пемдiс сюзьлөн дзикöдз синмыс,
Муртса корсис гортлань туй.
Сэксянь лунъя кыйсьöм кынмис,
Тöдö: горшасьны оз туй.

ЛЫСКО ДА БУСКО

Лыско ошкё ассье ёртсё:
Буско уджач, төлка пон,
Бура видзё керка-гортсё,
Вёрын сылён төдтём дон.

Косьё Бускокөд ог волё,
Миян лөсялёма вир.
Ставлы тадзи овны колё,
Бурнас сёлёмад мед тыр.

Но кор ковмис лытор юкны,
Лыско вежис гөлөс шы.
Ошкём сёрни орис здукөн,
Эргё: «Тайё менам лы!»

ДИВЁ

Зарни сорса Петрöванёс
Төдө курөгъяслөн рөд.
Чипанъясыс сылөн шаньёсь,
Позйыс шыг ни пөт оз төд.

Ассье синсё моз жё видзё
Курөг чукөр Петрöван.
Некор йёз позлань оз видзөд
Сылөн сөстём чужөмбан.

Сөмын петукыдлы дивё
Өні лоис өтитор:
Мыйла бара шефыс, Ивё,
Дурка олө, кольлө горт?



БЕРГӨДӨМА ОЛӨМ

Йөктө керка, йөктө пач.
Порсьпи вурө дөра гач.
Коз пу йылын сьылө тури,
Чери быдмө ыджыд нюрын.
Паччөр вылын куйлө көч,
Пипу йирө пиньтөм пөч.
Дзикөдз гугассьөма олөм,
Бергөдны бөр сийөс колө.

ӨТЧЫД

Өтчыд коркө вой шөр войын
Кысук кыйис госа шыр.
Сейны лосьөдчис кор сийөс,
Шыасис сэк ичөт ныр:
«Сейөм водзад, мисьтөм чужөм,
Мыськышт ассьыд няйтось бан».
Яндысигтыр кыйөмторсө
Бокө пунктис миян кань.

Мыссис бура. Шырнас сэсся
Чөсмасьыштны көсийис Вась.
Видзөдө, а кыйдөс абу,
Шырыд утөвтөма тась...

...Мудермөма сэсся Кысук,
Радейтө зэв сөстөмлун.
Горгысь мыссьытөгыс өни
Некор кыйсьыны оз мун.

ЁНА ДЖӨМДИС ОЛӨМ ЛАДЫС

Ёна джөмдiс олөм ладыс,
Йөзөс йирө дзугсьөм кадыс.
Кылан: шырпи верөс сайө
Мөдөдчөма каньпи сайө.

Сикт-грезд кусан выйөдз воис,
Сиптiс өдзөс школа-сад.
Лөкыс уна буртор «сөйис»,
Сьөкыд корсьны олөм лад.

Гөльмис дзикөдз Эжва ю,
Мисьтөм лоис серыс.
Өнi сөям путассу –
Ылысь вайөм чери.

Митрей кужысьөн и чужлис,
Гөрлис, көдзлис, видзлис скөт.
Сийө гусясьны эз кужлы,
Семьяыс пыр вөли пөт.

Өнi ыбъяс вылын быдмө
Борщевик да турун ёг.
Ог и сиктын олөй быттьө,
Морттө йирө курыд шөг.

МЕЛІ ӨШ

Ыж кодь төлка, порсь кодь сөстөм,
Олө-вылө мелі өш.
Сийө веськөдлө пө скөтөн,
Быттьө пес поткөдлан нөш.

ТӨДЫСЬ

Нэм джын оло-выло Закар,
Нималё, кыз тёдысь-знакар.
Нимкыв видзё, ачыс шуё,
Рак висьёмкёд тыш пё нуа.
Ен ув пельёс – рака позья,
Ен пёв джаджйын – зелля дозьяс,
Пётёлокас – черань везьяс,
Позьё кыны качай гезьяс.
Понёль чишкалыштас сиськён,
Сы пыр сэся ватор кисьтас.
Шуас: «Юрид мед оз янав,
Гусьён сёйём водзад паняв.
Сэся и Ентё тёдны колё...
Ставсё юан – бара волы».
Кодыр Закар висьмас ачыс,
Котөрөн сэк корас врачёс.

ТАЙӨ МОРТЫС

Тайё мортыс көрт тув синма,
Йёз тшёт весьгё кужё овны,
Сюйсьё быд ног ыджыд чинла,
Медым некодысь не повны.

Тайё мортыс чөрт кодь сюра,
Йёзёс нюрё тойлө-суйё.
Көть и сийё кёдзыд юра,
Югыдлань пыр муно-уйё.

Тайё мортыс оло уджён,
Некор эз вёвлывлы лябён.
Бур оломсё оз тёд, кутшём,
Вёлі рабён – колис рабён.



ВИНА ГАГ

Синтём-пельтём, бордтём-коктём
Олө-вылө вина гаг.
Мортлы уна вөчө лөктө,
Ваксьö сы вылын вак-вак.

Вина рюмка кодi юас,
Гагйыд сылань мыччас сак
Да и тшапа крапкас-шуас:
«Содты зелльöсö, дурак!»

Румка, мөд и коймөд бöрын
Сермөдалас морттö пыр.
Сэссия кыскас ывла вылө,
Кöни шöйтан вывтi дыр.

Öтиясöс сывны корас,
Мöдлы коряс ёктан лад.
Кöймөдъяслысь муслун ёрас,
Дзугас налысь олан лад.

Кодössюрö адö нуас,
Кöни морттö кутас чöрт.
Чöртыд морттö пöртйö сюяс,
Кытысь некод оз пет бөр.

Синтём-пельтём, бордтём-коктём
Олө-вылө вина гаг.
Мортлы уна вөчө лөктө,
Крепыд сылөн сермөд-сак.

КЫК ПРЕД

Лёсьыд овны сельпо предлы,
Сылён өкмыс магазин.
Чатөр юрнас юсь моз ветлө,
Кань кодь югыд сылөн син.
Кужё вöжжи зэлöдыштны,
Бурджык төвар воас кор.
Сиктса йöзöс велöдыштны
Сылы некор абу сёр.
Ыж ку пась да руч ку шапка
Йöзлысь син эз пöртмав мед.
– Джаджъяс улö! – гусьөн шöпкас
Вузасьысьлы сельпо пред.
Сиктса уджач йöзысь гусьөн
Юклö сёян-юантор.
– Майбыр, тшыгйөн он на усьöй, –
Позьö кывны сылысь гор.
Лыддьысьысьыд, гашкө, шуас:
Кöни сельсöветса пред?
То нö синсö лэдзис муас –
Ачыс гусьөн ньöбис плед.

КОР СЬÖКЫДЛУНКÖД НУАН ТЫШ

Кор сьöкыдлункöд нуан тыш,
Сэк олөм-вылөм сьылö.
А личкыны кө кутас дыш,
Пыр кылавлан зэв ылö.

ЫШӨДЫСЬ

Көть сөвещанньö, көть сөбранньö,
Педот пыр медводз сёрни панö:
«Бур войтыр. Воö турун пуктан кад,
Мед некод лытайтны оз чайт,
Мед гөгөр уджыс бура мунö
Да содö көрым лунысь лунö».
... Кор турун воас – кышакылö,
Педот сэк гортсянь ёна ылын:
Пöсь кадö мортыс овлö ныж,
Лöз саридз дорын пöжö мыш.

МЕД ЭЗ СЕРАВ ПОРСЬ

Быд мортлөн аслыспөлос мөвп,
Быдөнлөн аслас олан сям.
Со талөн öдйö чужö нюмыс,
Оз ышнясь, чужöм вылас рам.

Мöд зумыш, пемыдінысь полö,
Öд шайттöг сылысь кыв он босьт.
Лёкторсö вурун моз со летö,
Оз буртор вöчан öдзöс восьт.

Со коймöд варов парма ёль кодь,
Тэд отсöг сетны сійö дась.
Оз кывнас некор йöзöс кольмöд,
Оз ёртасьöмлысь гөрöд разь.

Дерт, лун шөр лунö югыд биён
Дзик öткодь сямаёс эн корсь.
Но овны сідзи колö, пийö,
Мед тэ вылö эз серав порсь.

СЮРА-СЕРА МЕГӨ

«Сюра-сера мегө, бэ,
Дөзмөдышта тәнө ме.
Ичөт бальтө гуа,
Гортө сійөс нуа», –
Тадзи межөс нерис зон,
Сэсся пөлөстыштіс вом.

Скөрмис мегыд, лэптіс юр:
«Аддзан он тэ менсьым сюр?
Здукөн босьта пленө,
Велөдышта тәнө!»
Дөзмөдчысь зэв лои рам.
Горзө: «Отсөг колө, мам...»

Зонлы сюрнас сетіс мег,
Личкис стенлань, быттьө шег.
Мортлөн збойлун муніс,
Нимыс весиг вуніс.
Тайө кадсянь ичөт зон
Кутіс төдны межлысь дон.

ДОДЦЯЛІС «ТРОЯ»

Дзыкөдз йөймөма Зоя –
Сійөс додцяліс «Троя».
Өні бужөдө нуө –
Зоялысь шудлунсө гуө.
«Троя» ныв-писө гуис,
Овны приютө суйис.
Зоялөн мам нимыс бырис,
Сукмис-сьөдмис сьөд вирис.

МЕДШӨР МОГ

Шонді чеччө, шонді ләччө,
Ноксьө-уджалө лун-лун.
Вой-вой төлысь кудель печкө,
Оз тай личкы сійөс ун.

Сөмын сиктса олөм-вылөм
Дзикөдз падмис-джөмдіс со.
Ог нин кывлы сюлысь сьылөм
Ыбъяс вылысь уна во.

Раскөн, вөрөн видзьяс тырө,
Кулан выйын уна сикт,
Скөтлөн юр лыд чинө-бырө,
Корөм выйөдз воим дзик.

Сиктысь уджач йөзөс чышкис
Карлань дзугсьөм олан лад.
Кодлөн таын грекыс, мыжыс,
Важөн корсьны вөлі кад.

Ас ног мөвпала и шуа:
Вөтлыны мед тшыглун, шог,
Мортлы мусмас медем муыс,
Сетөй вөля – медшөр мог.

ГӨТРАСЬ, ВАСЯ!

Сиктын олө Ася,
Өмидз тусь кодь дзик.
Төдса зонмыс, Вася,
Зэв жө мичаник.

– Гөтрасьны мен колө,–
Нывлы шуө Вась,
– Сөмын батьсьыд пола –
Козин абу дась.

Абу на машина,
Ичөт олан жыр.
Ог на ылөдз нимав,
Зептөс сьом оз зырт...

– Бать-мам тэнө төдө.
Уджын би и ва,
Ог ме радейт мөдөс.
Вася, тэ мен – ма!

Тадзи шуис Ася
Зонлы воча кыв.
Гөтрась, гөтрась, Вася,
Радейтө кө ныв!

ЁРТӨЙ, ЮӨМТӨ ВУНӨД

Дзикөдз, ёртөй, тай юсин,
Лун-лун кодалан тан.
Муса гөтырыд юксис,
Бөрдө тэ вөсна мам.

Шуан: «Ёмаыс вайис
Тэныд сьөлөмад шог,
Шудтө-шондитө сайис,
Сувтис олөм зэв лөк».

Абу ёмаыс мыжа,
Мыжа пез вина гаг:
Тэно чеплялө гыжнас,
Да и ваксьө вак-вак.

Вина шогтө оз пөдты,
Сийө чөртъяслөн ёрт.
Вина гагйыд өд пөттөм,
Сийө гөльмөдө горт.

Ёртөй, юөмтө вунөд,
Шонты көдзалөм горт.
Мамтө, гөтыртө нюммөд,
Лоан енбиа морт.



ОЛӨМЫСЛӨН РӨМПӨШТАН

Дурка олө өні йөзыс,
Пөръясьө и сэн, и тан.
Бытьё пемдїс енэж лөзыс,
Бытьё мортлөн чиніс сям.

Гөртөг эжмө ректас, муяс,
Быдмө ыбъяс вылын ёг.
Видзьяс вылын лежнөг, пуяс,
Парма-вөрөс йирө шог.

Сиктын гөтыртөмөсь зонъяс.
Карө пышйис налөн пөв.
Уджтөг олөны со томъяс,
Лун-лун чужъялөны төв.

Сиктын уна олысь бөрдө:
Бичьяс петкөдөны поз,
Град выв пуктас гортса йөрысь
Гусявлөны шышъяс моз.

Дурка олө өні йөзыс,
Пөръясьө и сэн, и тан.
Киссьө керка, карта, звөзыс –
Олөмыслөн рөмпөштан.

ДУГДИС САНЬӨ ВИНА ЮНЫ

Дугдiс Саньө вина юны,
Радлө гөтыр, радлө мам.
Гортса шышөн оз нин шуны
Сийөс өни некод тан.

Керка-карта выльмөдөма
Таво Саньыд бура со.
Гортса пемөс лөсьөдөма:
Ыджыд йөрын тырыс то.

Дивитөны юысь войтыр:
Саньө оз кысът сизим грам,
Вунөдөма микөд койтлөм,
Лун-лун кодалөмсө тан.

Дугдiс Саньө вина юны,
Быдтө куим пи да ныв.
Вина гагйыс лэбис-муніс,
Сылөн пеж дуқыс оз кыв.

СИКТЫСЬ СИКТӨ

(М.Н.Лебедев серти)

Сиктысь сиктö ветлігөн
Аддзан, кыдзи быдлаын
Жугыля да шогпырысь
Олö сиктса морт.
Олö сійö сэтшöма,
Кыдзи сійöс велöдіс,
Кыдзи тшöктіс овнысö
Дона Ельцин ёрт.
Сикт кузяыс мунан кор,
Аддзан, кыдзи сиктыслөн
Вежсис чужöмбан:
Сиптысьсöны школаяс,
Клубъяс да магазинъяс.
Керкаясыс бöрдöны
Кузь синваён тан.
Котöртöны каръясö
Пöль-пöчъяслөн челядыс.
Сэні найö олöны
Нимкодясигтыр.
Му-видз ректас эндöма,
Ёгөн гөртөг ойдöма.
Тыртöм гидъяс-картаяс.
Гөгөр шогыс тыр.
Дзормöм пöльяс, пöчöяс
Бöрдöм сорөн шуöны:
– Дзугйö шедöм олöмсö
Ловзьöд, Путин ёрт!

РЫТГОРУВ СЁРНИ

Өмидз да сэтөр,
Кушман да лук
Рытгорув сёрни
Панисны друг.

Висьталё өмидз:
«Юмолыс тыр
Град вылысь вичмё
Меным тай пыр».

Кушман зэв скёра
Крапкис сэк кыв:
«Курдөдө менё
Град йөрлөн сыв».

«Дугдөй вай сөрны, –
Висьталіс лук, –
Некодлысь көрсө
Град йөр оз дзуг».

БАТЯ-ПИА

Өньө аслас пилы шуө:
– Ме ас сиктын медся ён.
Дышгъяс вылө лөглун пуө,
Ме кодънас тэ лоан он?

– Муса батыёй, төдны колө,
Бөрө кыска быдса класс.
Весиг велөдысьным полө:
Трактортөг он шед пө тась.

ШОР ДА ВӖР

МӖдлапӖлын оліс-выліс
Тэрыб, визув шор.
Долыда зэв сійӖ сьывліс
Уна мичатор.

ОрччӖн вӖр сэн воысь-воӖ
Пыкис енэжтас,
Ошкис сійӖ таысь шорӖс:
Тэ пӖ мен зэв ас.

Ӧтчыд шорыс вӖркӖд паніс
Жугыль сьыланкыв:
СайӖдан пӖ аснад тані
Шондіыслысь сыв.

– Энлы, пиук, шыблась кывнад, –
Шуис пӖрысь коз, –
МетӖг олӖм тэнад йывмас,
Косьман гӖптыс моз.

...Колис кад, и мӖдлапӖлысь
ПӖрӖдісны вӖр.
ШорлӖн воши эзысь гӖлӖс,
Оз нин воссьы бӖр.

УР ДА КӨЧ

Мөдлапөлын төвйө
Шоньд позъяс ур.
Шоньд сылы сәні
Тырма сәян-нур.

Арся кадө сійө
Уджтөг лун эз коль:
Косьтіс чөскыд тшақъяс,
Чукөртис коз коль.

Камгө көдзыд пөлюк,
Ур оз тшыглун төд.
Табъя коклөн-көчлөн
Кынөм абу пөт.

Шыасис ур дорө:
Гөститөдышт вай.
Вичмөдышт тә меным
Нурсьыд өти пай.

Урыд стрөга шуис:
– Ок тә, табъя кок!
Гожөмбыд кө йөктін,
Абу тә мен вок.

ЧАСТУШКАЯС

Енмыс сетліс Коми мулы
Уна-уна озырлун.
Сійӧс огӧ кужӧй видзны,
Мунӧ бокӧ лунысь-лун.

Озырлуныс вылӧ ваям
Йӧв-яй, нянь-сов, вина-сур,
Весиг гыжъяс мавтан лакъяс,
Дзик нин йӧймис мян юр!

Совхоз тэчлім колхозъясысь,
Ӧні пусь-пась вӧчим бӧр.
Сикт-грезд кулӧм выйӧдз воис,
Лун и вой кӧть сэсса бӧрд.

Митрей лоис юралысьӧн,
Вывлань лэптис тыртӧм юр.
Лун-лун гач пыдӧссӧ зыртӧ,
Юӧ чӧскыд вина-сур.

Комын арӧс. Уска-тошка.
Абача кодъ паськыд, ён.
Мам-бать сылі вылас ӧшйис
Лун-вой узысь сиктса зон.

Ӧньӧ велӧдчис зэв дыша,
Ӧдва шедис аттестат,
Чина батыс институтӧ
Корсис зонлы пыран лад.

Ӧньӧ матькӧ челядь вылас:
– Лоӧй, пьянӧй, бур йӧзӧн.
Ӧні матькӧны ас вылас,
Да и нӧйтливлӧны лӧзӧдз!

– Пöрысь сайö, верöс сайö
Пета, – шуö наян ныв, –
Кулас. Озырлуныс коляс,
Кута съывны съыланкыв.

Марпа быд рыт ресторанын,
Вылас мича платтьö, көм.
Асыводзын гортас локтö,
Ружтö зептас сылөн съом.

Йöз йөрö пырысь вөлöс
Шог суис аслыспөлöс:
Кузь туйö доддялісны сійöс
Да вöжжи сетісны ён киö.

Зорöдувса шыр
Ныв-пиян эз быдтыв,
Дивитлывліс ёртсö пыр,
Этша на пö витыд.

Вöрса олысьяслөн чукөр
Ручлы козьналіс мандан.
Вöрса олысьяслысь öні
Ручыд вежö олём лад.

Лыско ошкö ассъыс ёртсö:
Сійö уджач, төлка пон.
Но кор лытор юкны ковмис,
Мöд ног изö сылөн вом.

СЕРАМБАНА ВИСЪТЪЯС



МАТРОС ӨЛИК

Миян сиктын овлөма-вывлөма Матрос Өлик. Матрос нимсө баты сертиыс сетлөмаось, флотын служитлөма да. Өлик пиыс ич-отсяныыс гажөдлөма йөзөс, кужлөма быдөнлысь нюм петкөдны, весигтө корсюрө ылөдчыштлөма. Кыв-мөд шуас – синваыд серамыдла петө, а ылөдлас да, кок ув муыд вошлө. Өні ачыс абу нин ловъя, но сиктын сійөс өнөдз на казтывлөны, а ылөдчысь мортөс Матрос Өликөн нимтөны. Со и мен төд ылоь воис сълөн өткымын шмонь.

СОВЛА

Тулыс. Эжва вөлі воссьөма нин. Йөз пасйисны Ыджыд лун, сиктса йөзлөн тайө вөлі медся пыдди пуктана лун. Найө пыр дасьтысисны тайө лун кежлас: пелькөдчисны, пусисны-пөжасисны и, дерт, вөччөмөн вичкоө ветлісны...

Вичкоын абу на вөлі сьывсьөма, но ывлаас вөлі сулалө нин кызь сайө мужичөй, олөм-вылөм йылысь варовитөны вөлі. Кодсюрө ышөдө вөлөм ёртъяссө совла кайлыны Серёговоө ва кузя.

Сійө каднас вичко дорті мунөм вөлөм Өликыд. Киас көрзина, а мышку саяс ноптор. Кодкө казялөма Өликтө да горөдөма:

– Өлик, лок, кежав ми дорө да гажөдышт миянөс Ыджыд лун кузя, оз ло грек.

– Некор меным, ог вевъяв. Мөдысь коркө, – вочавидзөма сійө. – Навөлөкбөжө сов баржа сувтөдөмаось. Колө өдийөджык сэтчө котөртлыны да пуд-мөд-коймөд ньөбны.

Гызьөма вичко дорын. Здук мысти Өликлөн кывъясыс чышкыштөмаось сесь йөзөс. Кор войтыр воөма Навөлөкбөжө, сэн некутшөм сов баржа абу вөлөма.

– Но и талун Ыджыд лун кузя кужис ылөдлыны миянөс Өликыд, – шуис кодкө.

МЫРПОМЛА

Важысянь нин шуоны: ваён-йиён кө пальёдас ойбырсё дзормём Эжвалысь Ёгорей лун, турун козьналас Миқола лун. Тайё воас дзик сідз и лоис Ёгорей лунёдз Эжва воссис. Тулысыс мичаа пасьтёдіс видзьяс, расъяс, ставнас пармасё.

Петыр лунёдз на сиктса войтыр петісны турун пуктыны. Сэк кежлө и мырпом воис – сиктса войтырлөн чөсмасянтор. Оз тай быд во өтмоза артмы тайё вотёсыс. Өти гожөмө кө вораджык нюръясын мырпомыс петөджык, мөд вонас – эрд вылынджык нин.

Нывбабаяс норасьёны:

– Ыджыд нюрын таво мырпом тусь абу. Кысь бара скорыштас-а?

– Ме төда, көні артмөма таво чөскыд вотёсыд, – ошйысис Матрос Өлик. – Но верма нуөдлыны сөмын Петыр лунө.

И со тайё луныс воис. Чукөрмис дас кык нывбаба, ставныслөн өти мөвп: чөсмасьыштны мырпомөн да тшөтш гортасясөс чөсмөдыштны.

Вит час асылын Өлик петіс накөд туйө. Вуджисны Расаель, Побъель. Асылыс вөлі лөнь. Весиг расъяс эз варовитны, чөла виччысисны гожея лун сувтөм. Сөмын номъяс ёна дөзмөдчисны, наысь эз кольччыны и лөдзьяс.

Мунісны верст вит кымын нин, а туйыслөн помыс оз на тыдав.

– Мыйкө дыр кутім мунны, – шензьыны кутісны нывбабаяс.

– Регыд, регыд нин воам, шанъяс, – вочавидзис Өлик.

Недыр мысти сійө петкөдіс вотёсла мунысьясөс вөвлөм делянка вылө. Гөгөр торсвидзисны мыръяс.

– Со воим, сьөлөм нормөдысьяс, гырысь мырпома местаө, өктысьөй, – сералігтыр шуис Өлик да вопис кытчөкө.

Ёна и скөралісны нывбабаяс, мисьтөм кывъясөн видісны ылөдчысьтө.

– Ме өд шулі, грек вежа лун кузяыд вотчынытө. Бурджык вөлі, Петыр праведнөйыдлы кө пернапас чөвтім вичкоын, – ышлолыштіс олөмакодъ нин ичмонъ да бергөдчис гортланысь.

СБЕРКНИЖКА

Иван Иванович Иванов муса гөтырыскөд, Анна Петровнакөд, олісны-вылісны Югөр грездын. Найө нәмсө мырсисны му-видз да скөт дорын да быд төлысь сьөмтор сберкнижка вылө пуктышт-лісны.

– Пөрысьмам да, содтөд деньгатор пенсия дорад, кулан да, мөдар югыдас мөдөдөм вылас и казытыштөм вылас ковмас, – гавліс гөтырыс верөсыслы.

Колис во-мөд-коймөд, пансис странаын перестройка, кутісны дорны рыноклань туй. Ёна, ок и ёна, дзугсис сәки олөм ладыс. Заводитчис чорыд инфляция, коді уджалысь йөзлысь өдйө нылыштис чөжыштөм сьөмторсө. Иванлөн квайт сюрс шайтыд нинөмөдз воис.

Сьөкыд уджыд да пөрысьлуныс Иванушкоөс дзыкөдз личкис. Сійө тшөкыда кутіс висьны-нөрпавны. Со и больничәдз воис.

– Ме, Аннушөй, регыд, тыдалө, кувся. Пытшкөсөй ставыс сотчө. Кулөм бөрын, мөдар югыдас менө мөдөдигөн өти киө пуктөй рукопись, а мөд киө – сберкнижка. Гашкө, сәні, мөдар югыдас, и верма ньөбны райысь кык жыръя патера. Тані пыр кедзөвтисны миянөс да эз и вичмөдлыны патератө-а. Донай, воан мөдар югыдас коркө и тә, сәки бара кутам өглаын овны, – сетіс татшөм индөд Иван Иванович.

...Матысмис нелямынөд лун. И сійө луныскөд воча Иванушкоыд Анналы вөтө уськөдчис.

Иваныс Анналы паныд локтө, вылас гуалан көм-паськөмыс на. Нюмъялө-вашъялө. Паныдасьөм бөрас верөсыс крепыда топөдліс морөс бердас муса гөтырсө.

– Тані, мөдар югыдад, донай, сберкнижка вывсьыд сьөмтө сетісны ставнас, да и процентъяс на арталөмабсь, – радпырысь висьталіс Иван. – Сьөмыд кө эм, позьө бурмөдны татчөс олан визьтө. Ен мен сетіс райө путөвка. Тә пө уджач морт, нәмтө сьөкыда олін, гректөм лов, му вылас да.

Кор менө анделөй ки пөлөд нуөдіс райө, сәки унакодь сьөмлои видзөма. Мунігас вөлі колө ад гурантө вуджны. Адад сюрәбөжа мутияс мисьтөма вежнясьөны да мунан туйнымөс потшлывлөны. Öтияс на пиысь куритчан вылө сьөм дзайгөны, мөдъяс – «блеск» пакет вылө, а коймөдъяс – наркотикъяс вылө. Медым

мынтөдчыны наысь, сьомтө ковмыліс сетыштавны. Унаысь и погона войтыр на сувтөдлісны, налы тшөтш ковмыліс мынтысьны, таможня налог пө колө вештыны. Коркө-некоркө и райө воим. Пыр и ньоби кык жыра патера.

Муса гөтырөй, эн шогсы. Төд: ме тэнө кута виччысьны аслам шоньд да югьд оланінын. Тані ме гөгөрвои: кедзөвтисны кө кодөскө му вылас олігөн, мөдар югыдын налы став гусялөмторсө бөр бергөдоны. Но, а лёк войтырыдлы өти туй – ад.

А тэ, зарнийөй, верман кө, выль сберкнижка лөсьөд. Тані райад мунан туй вылад ковмас...

Анна паляліс и дыр эз вермы воны ас садяс.

КАРСА ШЫБӨЛЬ

Макар грездын перестройка воясө пусь-пась киссис совхоз. Сы пыдди котыртлісны колхоз. Сиктса олысь Öндрей Кузьпелев сетчис фермерө. Отсасьны сылы босьтчисны гөтырыс челядьыскөд, куим пи да кык ныв сылөн вөлі. Совхоз овмөс юклігөн Кузьпелевъяслы вичмис МТЗ трактор да сы дорө кутшөмсюрө видз-му вөдитан техника. Сетісны мөс да кык кукань, торйөдісны му да видз.

Кузьпелевлөн овмөс өдйө кутіс сөвмыны. Тырмымөн лои йөв да яй. Фермер вердіс уджалысь йөзөс вөлөгәон да град выв пуктасьясөн.

Öндрей Кузьпелев нималана морт Макар грездын. Öні сійөс төдісны нин районын да и республика пасьтала. Сылөн уджөн волісны төдмасьны мукөд районысь юралысьяс да фермерьяс.

Өтчыд рытгорулө Кузьпелевьяс керка дорө сувтіс «Волга» машина. Сэтысь мыччысис районса юралысь Дмитрий Осипович.

Сійө бура дыр сёрнитіс видз-му овмөссө водзө сөвмөдөм йылысь. Сэсся радпырысь юөртіс: районсянь Андрей Ивановичөс мөдөдоны юркарө фермерьяслөн сөвещание вылө.

Фермерьяс сёрнитісны видз-му овмөс уджын тырмытөмторьяс йылысь, такөдісны, мый государство налы зэв этша отсалө. Дерт, казгылісны и водзмөстчысь овмөсьяс, опкисны фермерьяслысь зільөмсө, медбурьяслы сетісны козиньяс. На пиын вөлі и Кузьпелев.



Сөвещание бѳрас Андрей Иванович паныдасис ѳртыскѳд. Сійѳ важѳнкѳд нин олїс карын. Семѳн Егорович, сїдз шуисны ѳртсѳ, корис аддзысьѳмсѳ пасйїны ресторанын.

– Пасйїштны позьѳ. Меным фермералѳмысь козин сетїсны, позьѳ сійѳс мыськыштны, – сѳгласитчис Кузьпелев.

Кык ѳрт пукалѳны ресторанын да казьтылѳны томдырся олѳмсѳ. Юисны стопка-мѳдѳн, чѳсмасисны чери-яйѳн да водзѳ варовитїсны.

Кытыськѳ виччысьтѳг на дѳрѳ матыстчисны бѳбув кодь кык ань. Налѳн синъясыс войся кодзувъяс моз югъялісны.

– Югьд кодзувъяс, кысь нѳ тї усинныд, донаяс, гулюяс?– сералїгмоз шыасис нывбабаяс дѳрѳ Семѳн Егорович.

– Пуксьыштлѳй миян пызан дѳрѳ, сьѳлѳм нормѳдысьяс, гажѳдыштѳй миянѳс да номсасьыштѳй вина-сурѳн, – корис аньясѳс Кузьпелев.

Нывбабаяс азыма сѳйисны-юисны дасьтѳ, дзольгисны-варовитїсны визув шор моз.

Андрей Иванович гортас шѳча видлывлїс курыдтортѳ да ѳнакодь нин коддзис, но гѳтырыслысь кывъяссѳ, мед бѳкѳ эз шыбѳлит, кутїс на юрас.

Асывнас Кузьпелев садьмис водз, юрис нѳш кодь, сьѳлѳмыс гудрасьѳ. Сійѳ эз тѳд, кьдз-мый воис гостиницаѳдз, да медводз видлїс кѳшельсѳ. Кѳсйис тѳдны, уна-ѳ сѳнї сьѳмыс. Мортыд шогѳ усис: сьѳмыд тай абу кольѳма. Гѳгѳрбѳк видзѳдлїс да казялїс: ыж ку пасыс, руч ку шапкаыс да тѳрытъя козиныс тшѳтш абуѳсь. Мый вѳчны?

Кузьпелев звѳнитїс ѳртыслы да корис сійѳс вайны кутшѳмкѳ важиник паськѳм, шапка да уджйѳзѳн сетлыны билет вылѳ сьѳм. Нор гѳлѳсѳн висьгалїс, мый тѳрытъя бѳбувыд дзикѳдз куштѳма сійѳс.

Мѳдыс недыр мысти локтїс.

– Абу ошкана паськѳм тѳ, Семѳн Егорович, вайѳмыд, – жугыля шуис Андрей Иванович. – Сиктсаяс аддзасны да тешитчыны кутасны ме вылын.

– Автобусыд дзик тїян керка дѳрѳ сувтѳ. Некод оз и аддзыв тѳнѳ рытгорулас, – вѳчавидзис карса олысь.

...Со Кузьпелев керка ѳшинь улас нин. Гѳтырыс аддзис кузь важ салат шынеля морттѳ да чуймис:

– Миш, а Миш, волы татчö, волы. Кутшöмкö нин чеченеч салдат мяянö локтö?!

– Да, тайö батыным! Гашкö, шынельсö козин пыдди сетисны, – сералигмоз шуис Миша пиыс.

– Видзöдлöй карса шыбыльыд кутшöм овлö. Серав көть бöрд, – пырöмөн тшöтш элясис Кузьпелев. – Менö куштисны карса жуликъяс.

ЛЁК ВИСЬÖМ

Варыш Митрей нэмсö уджалис-муркöдчис му-видз дорын машина-тракторъяс вылын. Сиктын вöли пыдди пуктана мортöн. Öтчюд Митрейöс корис ас дорас совхозса директор да вöзйис сылы путёвка: ветлы пö шойччыштны лунвылö да бурдöдчышт.

– Ме эг на некор ветлы лунвыв муясад, а коскöй ёнакодь нин висьлывлö. Позяс ветлыны, – радпырысь шуис механизатор.

Кызд-мый шойччис да бурдöдчис, сиктса морт гижис гöтырыслы юртор: – Муса гулюöй, ме тан, лöз саридз дорын, буракодь пöжи мышкöс да и кос висьöмысь неуна мынтöдчышти. Но, сё трасича, кыськö көласис лёк гаг моз мöд висьöм: «1. 5 окружающей».

Гижöдтö лыддьöм бöрын гöтырыс Митрейлөн чуймис татшöм юрсьыд. Котöртіс сусед ордас да висьталіс шог юр йылысь. Суседкаыд швуч-швач керис кинас да öдйö шуис:

– Эг, эг кывлив татшöм висьöмтö, öнi быдторйис вермас лоны. Гашкö, суйöр сайысь вайисны кутшöмкö кывлытöм на висьöм.

Сиктса уна йöзлысь на Анна тьöt юасис верöс висьöм йивсьыс, но некод на пиысь эз тöд. Бөръя помас шыödчис нывбабаыд Сан Саныч дорö, шөр школаса велöдысь дорö. Сійö вöли буретш видлалö челядьлысь математикаысь уджъяссö.

Велöдысь сюся видзöдліс нывбаба вылö да öдйö артыштис.

– Öти окружностьлөн кузьтаыс 2ПР, а джынйислөн – 1ПР. Öтлаын лöö 3ПР. Сідзкö, тэнад верöсыдлы көласьöма лёк висьöм, – вöчис кывкөртöд Сан Саныч.

ПЕРНАПАС

Совхозса партсекретар Ботолов Евгений Петровичлөн да механик Лудыков Матвей Егоровичлөн керкаясы сулалісны-дзоргисны воча.

Евгений Петрович син водзын вөлі суседыслөн гортса олөм-вылөмыс. Механик семьянас оліс бура. Вина-суртө, дерт, радейт-лывліс, но сөмын удж бөрын да праздникъясө, мукөд моз быд лун эз төкаритлы.

Отчыд партияса нырщик казяліс: Лудыковид удж вылас мунігөныс өшинь улас пернапас чөвтис. «Коммунист мортыд Енлы али мый эскө?» – гыжйыштис юрсө Болотов.

Мөд лунас сійө бара кыйөдіс механиккысь удж вылас мөдөдчөмсө. Матвейид бара пернапасасис. Евгений Петрович скөрмис: «Талун жө корла кабинетө сёрнитыштны! Коммунист, а Енлы эскө – партиялы чужөмас сьөлалө. Гашкө, и бюро вылө на ковмас корлыны да чырыштны...»

– Тэ нө мый, Матвей Егорович. Ен кокө кутчысин? Колөкө, нин вичкөө ветлан? – паніс сёрнисө Ботолов.

– Көд нө татшөм лёкторсө лөсьөдлө ме йылысь, – чуймис мөдыс. – Тайө нач сөрөм...

– Эн пөръясь! – пузис секретарыд. – Ас синмөн кыкысь ад-дзылі, кызди удж вылад мунігөныд пернапас чөвтлині!

Лудыков гөгөрвоис, мый йылысь сёрниис, да нюммунис:

– Удж вылө мөдөдчигөн гортысь петөм бөрын веськыд киөс медводз кымөс дорө вайөда – эг-ө мыйкө вунөд. Сэсся увлань лэдза – видла, бура-ө гач воротөй моллялөма. Та бөрын веськыд зептөс малышта – эз-ө партбилетөй коль. Да шуйга зептөс на видла – эм-ө пажун вылө вит шайтыс. Ме весиг эг куж мөвыпштылыны, мый тадзитө, вөлөмкө, пернапас артмө. Сө збыль!

РОЧ ВАНЬ

Роч Ваньөн сиктсаяс шуөны совхозса конюкөс өта-мөдыскөд сёрнитигөн. Но ськөд паньдасигъясө видзаасьөны юрнысө копыртлөмөн, ыдждөдлөны Иван Ивановичөн. А кызди нө? Пес,

скөтлы турун вайыштны, тувсов гөра-көдза дырйи вөвла сы дорө колө шыасьлыны. Он кө пыдди пукты, ыргъанитысь вөв сетас либө град йөртө медбөрын ковмас гөрны. Конюкыд сиктад – Сар башушко кодь.

– На машину и трактор надейся, а коня не бросай, – тшөкыда төдчөдлывлө войтырлы Роч Вань.

Война бөрын воис сиктө фронтыввса ёртыскөд Иван Иванович, гөтрасис коми ань вылө, а коминас сёрнитны эз и велавлы. Гөтырыс, Митрей Анна, шань, мелі, уджач нывбаба. И мичлунсө сылы енмыс лышкыда козьнавлөма, но Иван Ивановичлы өти гөтырыд абу тырмымөн, оз бурмы сьөлөмыс дай пом. Гусьоникөн мусукасьлывліс томджык дөваяскөд.

Анналөн чойыс, Катя, мөдөд во нин дөвуйтө. Кык чой – дөйини пөвгъяс, дзик өткодьөсь чужөмнас и статьянас. Весиг и сёрни ногыс өтсыама, он вермы торйөдны. Кадыс эз веж найөс, мичлуныс абу на чусмөма некоднаныслөн.

Өтчыд Катя локтіс конюшняө вөвла.

– Дона гулюбй, медбур, медвына, медся кывзысьысь вөвсө додьяла тэд, но сьөлөмсянь кора: волы талун рытнас, пемдас да, конюшня керкаө, – кевмысьөмөн кодь шөпкөдыштис Катялы пеляс Роч Вань.

– Н-но, инө, вола, – вель дыр чөв олігтыр мөвпалөм бөрын көсйысис Катя.

Катя висьталіс Анна чойыслы Роч Ванькөд конюшня дінын гуся сёрнисө да содтіс: – Норасьө верөсыд. Вот и ветлы ме пыдди пемдыштөм бөрас сы дорө да могмөд мортсө...

Иван пукаліс аслас ичөтик жырйын дзузган би дорын. Пызан вылас сулаліс чөскыд вина доз, ёді черинянь, шоколад кампет куд, шөралөм небыд шобді нянь.

– Лок, лок, муса Катюш, – радпырысь корис ёна виччысяна гөстяөс Иван.

Сөйисны-юисны, варовитісны и мусукасьөмөдз воисны. Кор нывбаба мөдөдчис мунны, Роч Вань мыччис сылы кызь шайт да меліа шөпкөдыштис: «Сенцо продам да ещө дам».

Гортас Иван локтіс дас час бөрын нин, но өдзөс мыйлакө вөлі томана. Недыр мысти воис и Аннаыс.

– Где так долго была. До ночи гуляла?– скөрыськодь юаліс Иван.

– Где была, ни была, а двадцать рублей нажила, а сenco продаст да еще даст! – нюмъялігтыр крапкис Анна.

Иван кыв ни джын эз шу, öдйö пасьтасис да петіс керкаысь. Лун-мөд-коймөд пö гортас абу волöма.

ВЕЖА РЫТÖ

Керöсбөж сикт нюжötчöма мичаинö. Öтар бокас ю, мөдарас – пожöма яг да кыддза рас.

Ивö Сандрик кужлöма бөрйыны керка пуктанінсö, ыджыд короминаыс дзик ю дорас зымвидзö, сикт помас. Сандрик кузь тушаа, паськыд пельпомъяса, дзик ниа пу кодь. Сійö ичötсяныыс уджаліс му-видз дорын, лэдзліс да кылөдліс вөр. Гöтырыс, Опонь Марья, совхозын кукань видзис.

Гозъя олісны-вылісны, ен сыкөд, бура, норасыны грек. Быд-тісны найö кык пи да нылös. Зонъяс карын нин велөдчисны. Дай и Анна таво бөръя во котраліс школаö.

Тайö вöлі төв шöрын. Миян Войвылад төвса лунъясыд көч бөж кодь дженъыдöсь, а войясыд кузьöсь – тырмö шойччыны, узны. А том йöзлы войпукны, гажъявны да вежа рытъясö гадайтчыны.

Öтчыд ужнайтөм бöрас Сандрик нюжөдчис пöлатяс да вугыртіс. Сылысь унзільсö торкис кодъяслөнкө шöпкөдчөм. Гөлösъяс сертиыс гөгөрвоис: Аннушыс варовитіс Кузь Пиня Ёгор нывкөд – Öксякөд.

– Талун вой шөр кадö, Аннуш, петалам шуднымös төдмавны, – висьталіс Öкся. – Восьтылам тіянлысь карта öдзöстö да мыччылам пукаланіннымös. Домövöй пöлыс небыдика кө малыштас, бур лоас верöсыд. Чорыда кө – көрт пробой кодь лоас пöлыд, – водзö сёрнисö нуөдіс Ёгорлөн ныв. Кык ныв сёрнитчисны.

– Картаыс миян, сідзкө, шудсö меным медвөйдөр төдмавны, – тшукуштіс батыслы кывмөн Анна.

Кадыс кор катовтіс вой шөрлань, Сандрик босьтіс шуйга киас пон ку кепысь да тасма, гусьöникөн петіс посводзö. Кань моз кок шытөг көзяин лэччис картаö. Сюрук рөмидзтіс, төдіс сійös да эз чеччы куйланінсьыс. Недыр мысти кутісны кывны кок шыяс. Со и воссис карта öдзös. Анна мыччис пукаланінсö. Сандрик сулаліс



өдзөс сайын, нюжөдіс кисё да малыштис пон ку кепысьён пукаланінсё.

– Ок, ок, кутшөм небыдика малыштис пöльыд, – радпырысь висьталіс Анна. Воис кад Оксялы төдмавны шудсё. Сöмын на Окся матыстчис өдзөслань, Сандрик швачнитис тасмаён.

– Ой, ой!– лёкысь горөдіс ныв.

– Көрт чуньяснас чепöльтис менö пöльыд, – норасис Ёгорлөн ныв.

Сьöкыд висьтавны, кутшөм верөс сайö петасны нывъяс. Но тайö лоөмтор бöрын нывъяс энөвтчисны вежа рытъясö шуд төдмалöмысь. А Сандрик став сьöлөмсянныс сиис нылыслы бур верөс.

КРЫСА МИШ ДА ТУРИ ГРИШ

Крыса Миш вöлі ичөтик тушаа, косіник, пытш кодь тэрыб. Кужö вöлі мудеритнытö, сьöкыд уджысь ичөтысянныс өтдортчыліс. Öнi вахтёраліс совхозса мастерскöйын, лысьöмсö эз чегъяв.

А Тури Гриш дас нель арөссянь вöлөн Гуа ягын кер кыскаліс. Батысь фронт вылө усьліс да, ыджыд семьясö вердны коліс. Трактористö велөдчыліс да пыр на уджаліс совхозын. Прөст кадö сійö радейтлис ветлыны вөрö кыйсыны-луйсыны. Звер-пöткаөс судзөдны отсавліс Лыско понйыс.

Крыса Мишлөн вежыс петіс Тури Гришлөн олөм-вылөм вылас. Горш, наян мортөс эз радейтны грездса олысьяс. Сійөс мыйлакө увтісны понъяс. Муртса петас туй вылө, тьвгöны нин. Овліс, и кокас кутчысьлісны. Öтчыд скөрмис Крысаыд и косыштіс беддьөн Лысколы юрас. Никсөмөн пон пырис пос улө, недыр мысти ланьтіс.

Ёна жалитіс ассьыс понсö Гриш, ылөсалис ёртыслысь олөм орөдөмсö Крыса вылө.

Öти шойччан лунö сійö нуөдіс Туриөс көч кыйны. Тэнад пö понйыд эм да, мед Кузь пеляясөс котрөдлыштас.

Воисны раскө, но көчьясөс котрөдлөм пыдди понйыс Крыса Мишлөн пышйис гортас. Тури и шуис:

– Тэнад, Миш, кокыд тэрыб, вай көч ордымөдыс котрав да увт менам Лыско моз. Садьмөдан көчьяссö, найö кутасны мелань котөртны. Сэки ме найөс и гымөда аслам пицальысь.

Крыса Миш сӧгласитчис. Сійӧ, дерт, эз сяммы утны пон моз. Но тьягис сьӧлӧмсяныс. Вӧчис ӧти кытш – пӧсялӧма, ньылӧмыс визувтӧ чужӧм кузяыс. А кӧчыд ӧд абу йӧй: бура тӧдӧ пон пытӧ да дуктӧ. Ӑти кӧч эз пет дзебянӧнсьыс.

– Тэ гораджыка увт, эз на садьмыны табъя кокъясыд, – ышӧдӧс Крыса Мишӧс Тури Гриш.

Дыр на, гашкӧ, увтӧс да котралӧс Гриш тшӧктӧм серти наян морт, да паныдасисны найӧ Конӧ Васькӧд.

– Бура мӧвпыштӧма тӧнӧ, яндысьтӧм бугыльӧс, понйыслыс ловсӧ босьтӧмысь велӧдны Туриыд, – сералӧгтыр шуис сійӧ.

Мӧд луннас став грезд сӧрнитӧс Крыса Миш йылысь, кызди сійӧ Тури Гришлы кӧч кыйны отсалӧма.

НИ ЛЬӦМ, НИ ПЕЛЫСЬ, НИ ПИПУ

Митипер быдлунъя моз водза-водз чеччис. Медводз ыжъяссӧ да куканьсӧ юкталӧс-вердӧс. Гӧтырыс, Сандрӧ Марья, сы бӧрын дыр на быгласис шоньд вольпасяс.

Сэсся чеччӧм бӧрас и шуис:

– Митиперушко, мян ӧшинь улын ни ӧти пу оз быдмы. Талун шойччан лун да, гашкӧ, мотора пыжнад мӧдлапӧлӧ вуджалан, кымынкӧ том пу ваян?

Митипер дыркодь бӧрйысис. Льӧм, пельсь да пипу мусьыс бура перъялӧс, медым вужъясыс эз доймавны-чегъясьны. Сэсся лӧччӧдлӧс пыжас да мӧвпыштӧс, гашкӧ, пӧ тайӧ уджсьыс гӧтырыс сизим грамм на кисьгыштас. Льӧмсӧ да пельсьсӧ Митипер ӧшинь водзас пуктӧс, пипусӧ потшӧс дорас.

Пажнайтны пырис Микол Пекла да шуис:

– Тэ нӧ, Митипер, дзугсьӧмыд кӧ-а, юр вежӧрыд коклябӧрад али мый лӧччылӧс?

– Мыйла дзугси?

– Тӧлка морт ӧмӧй ӧшинь улӧ льӧм пу садитлӧ? Тӧдлӧн ӧд Макся Петырӧс? Сійӧ льӧмтӧ быдтылӧма, да ӧд вочасӧн керкасьюс мужичӧй рӧдыс бырӧма. Льӧмыд олӧмтӧ нуас.

Митипер котӧрӧн петӧс, ӧдйӧн нетшыштӧс-перйис льӧмтӧ да бужӧд дорӧ шыбитӧс.

Недыр мысти пырис Ольга пӧч, сійӧ тшӧтш кужӧ кывтӧ берт-

ны. Сы коддѡмѣяс йылысь шуласны: керкаысь керкаӧ «са кыс-калӧ».

– Пелысь тай тiян ӧшинь улад быдмӧ, мисьтӧм олӧм тӧнӧ виччысьӧ, – крапкис пиньтӧм пӧчyd.

– Ласей Ӧльӧш гӧтрасьӧм бӧрас пелысьтӧ пуктыліс, да олӧмыс дзикӧдз дзугсьыліс, ладыс эз и пуксьыв. Гӧтырыс пондiс «боктi келавны». Ӧльӧш сiдзи нинӧм эз вермы вӧчны да юксьыны ковмис. Вай, бур мортӧй, нетшышт пелысьтӧ, он кӧ кӧсйы Марья тусьыдкӧд торйӧдчыны.

– Ог, ог кӧсйы воштыны Марьяӧс. Пета да шыбита пелысьтӧ, – шуис Митипер.

Мӧд луннас Митипер дорӧ куритчыны кежис Сень Миш. Аддзис пипутӧ да шуӧ:

– Ёртӧй, пипуыд абу видзантор, град йӧрсьыд став озырлунтӧ нуас, немтор оз кут быдмыны му вылад. Нетшышт, абу на сёр.

Митипер босьтiс «ловсӧ» и пипулысь. Ӧнi некутшӧм пу оз шувгы налӧн керка дорын.

«ДЗОНЬВИДЗА» ЗАКОН

Марья пӧч олӧ-вылӧ Керӧсбӧж грездын батыслӧн на керкаын. Короминаыс зымвидзӧ Ном шор дорын. Шор войвыв бокас нейджыд пруд эм, кӧнi важӧн грездаяс пожъявлісны кӧлуйсӧ. Ӧнi прудыс косьмыны кутӧма да ёнакодъ няйтсӧма, гожӧмнас сӧнi порсьяс туплясьӧны.

Марьялысь югыд томлунсӧ гусяліс война. Кор пансис Ыджыд тыш, сылы – мам-батьлӧн медыджыд быдтаслы – тырис дас нель арӧс.

Том ныв эновтчис велӧдчӧмысь да муніс мӧс картаӧ отсасьны мамыслы. А арнас вӧла-доддӧн кайис Гуа ягӧ «Комилеслы» сортировка кер кыскавны. Тулыснас ёртъясыскӧд Котшмӧс ю кузя кылӧдліс вӧрсӧ запаньӧ, а сӧсся зіліс колхозса му-видз вылын. Тадзи пансис сиктса том нывлӧн олан туй визьыс. Сизимдас арӧсӧдз нывбаба уджаліс колхозын, сплавын, да быдлаын сійӧс пыдди пуктывлісны. Бур уджысь Марьяӧс аттьӧавлісны метальясӧн да Почёт грамотаясӧн. Но медыджыд наградаӧн пӧчydлы вӧлі «За



доблестный труд в Великой Отечественной войне 1941-1945 гг.» металл.

Сир курыд олёмсыс Марьялөн дзоньвидзалуныс ёнакодь лёкмис. Шыасьліс нывбабаыд йёзос социальнөя могмөдан шөринө: онө пө вермөй мөдөдны менө кутшөмкө санаторийө, бурдөдчыштны косья.

– Тэ нө, пөчөй, федеральной али региональной льготник? – юалис чина.

– Ме, ме... региональной, – вочавидзис пөрысь морт.

– Таво ті воклы некутшөм путёвка ог вичмөдөй.

– А мыйла нө он? 122-өд закон серти тылын уджалысьястө колө быть могмөдны...

– Путёвкатө сетам сөмын федеральной льготникъяслы! – скөра крапкис мөдыс.

...Кывлөма Марья, санаторияд пө лысьөмтө нййтөн бурдөдөны, да мөвпыштөма ачыс асьыс дзоньвидзалунсө ёнмөдыштны.

Вөлі жар гожөм. Марья пөч ломтіс пывсян, а сійө важ пруд-йыскөд дзик орччөн сулаліс. Пөрччысис да пырис нййтас. Дыр-кодь пөчөыд бергаліс сэні отарө-мөдарө. Тадзтө бурдөдчөм бөрад мөдөдчис пывсянас.

Сійө кадас шор дорті восьлаліс Макар Вась. Аддзис лёзь юрсиа нййт морттө да повзис быдөн. «Енмөй, Енмөй! Каститчө нин со меным», – думыштис мужичөй.

Регыд Васька төдіс Марьятө:

– Коді нө тэнө нййтас быгльөдліс?

– Ме лысьөмөс ёнмөді! – нюммуніс пөчө. – Санаторияд пө тай нййтөн жө бурдөдөны...

Серав көть бөрд татшөмторъястө кывлөм бөрын. Со өд кызди пөртөны олөмө «дзоньвидза» закон.

ЮРСИКТӨ

– Видза олан, Марья Ивановна! Кыдз-мый олан-вылан, кутшөмджык дзоньвидзалуныд? Гашкө, Ном шордорса нйятад бурдөдчөм бөрын лысьөмыд озджык вись-юкав? – пані сёрни-басни Марья пөчкөд.

– Неуна кокниджык лои, ме өд мөдысь нин няйтад бурдөдчи. Но мянлы, ветеранъяслы, 122 законыд нөшта вайис аслысикас мытшөд, – шуис олома мортыд. – Топөдисны ми вокөс автобусөн ветломьсы. Важөн автобуснад дон босьттөг новлөдлісны, а өні төлысь кежлө сетөны 200 шайт. Тайө сьөм вылас колө телефонысь, радиобысь мынтысьны да и ньөбны билет муніг-локтігад. Связистъяслы мынтысьөм бөрын билеттө ньөбөм вылө сьөмыд пөшти оз и коль.

– Пыдди пуктана мортөй, тэ зэв бура төдан, мый виль реформаясыд грезд-сиктсьыд чышкыштисны унатор: лавкаяс, поштаяс, сад-яслияс, школаяс, медпунктъяс, – водзө сёрнитис нывбаба. – А юрсиктыд пөрысьмөма, коть томлөн могыд пыр эм.

– Лөсьөдлыны ог куж, висьтала, мый вөлі вежон кык сайын юрсиктө мунігөн, – шуис Марья Ивановна.

Дас кык час. Көмаси-пасьтаси, пернапас чөвті да и мөдөдчи юрсиктө. Ньөжйөндзи восьлала мир туйлань. Бергөдчылі керкалань и аддза: ме бөрся нявзигтырйи вөтчө нель кока ёртөй – Рыжик каньөй. Мөвпышти, кор менө туй вылөдз колльөдө кысук, ставыс лючки-бур лоө. Сувті туй бокө, виччыся юркарлань мунысь машина. Регыд и тыдовтчис лөзов легковик. Лэпти киөс – машинаыд сутіс. Шоперыс ар нелямын-ветымын кымына. Сійө пуксьөдіс менө, и мөдөдчим. Недыр мысти сійө и шуө, ме пө нывбабаястө пыр дон босьттөг новлөдла, но вөрө кежөдлывля. Минутмөд мысти юалі сылысь: «Гашкө, менө он коль вөрад?» А вөртө ме ичөтсянь бура төда.

– Ог, ог коль, – шуис шоперыд.

Сьөлөмөй ёкмуніс, но ачымөс такөдышти: Рыжик кө колляліс, ставыс бур лоас. Машинаыд өдйө мунө-лэбө, со и коли вөрө кежан туйыд нин. Воим юрсиктө. Ме аттьөалі бур морттө, а бөрвылас юалі:

– Эн тай кежав вөрад?

– Тэ пөрысь нин да, – нюмъялігмоз вочавидзис шоперыд да мыччис меным сө шайт:

– Водзө вылө автобусөн ветлы, быд машинаө эн пуксьы, лөк морт өд вермас веськавны.

ЮРКАРЫН

Марья пöч мунис юрсиктса больничаö. Врачыс видлалис пöрыс нывбабатö да шензöмпырыс юалис:

– Тэ, Марья Ивановна, тыдалö, кутшöмкö санаторийын бурдöдчöмьд. Воддза волігэд дзоньвидзалуныд вöлі тöдчымөн лөкджык. Со тай öні дойясыд бурдыштöмаöсь нин.

– Некутшöм санаторийын эг вöv. Веськыда висьтала, ылöдчытöг. Ме тöда аслыспöлөс бурдöдчанног – Ном шордорса прудыйын няйтөн дон босьттöг бурдöдчи, – сёрни панис олöма морт. А сесся норасис син вылас:

– Омöля тай сöмын куті адзыны-а. Бур мортöй, вай мöдöдлы менö юркарö, колökö, сэні бурджыка висьталасны, мый понда синмöй тшыксис.

Марья Ивановнаöс мöдöдисны Республикаса диагностика шöринö. Карö воөм йылыс водзвыв юöртис нылыслы. Билет вылас сьöмыс пö тырмас: юрсиктö ветлігөн öти бур морт сё шайт сетіс. Рытсаяныс Марья лөсьöдіс öттор-мöдтор: кос тшак, кос чöд, öмидз вареннö.

«Зövсёрт-Сыктывкар» автобус öдйö вайöдис Марьяöс карö. Сійöс паныдаліс нылыс. Недыр шойччыштöм бöрын мама-ныла мöдöдчисны бурдöдчаніні. Нылыс удж вылö вöлі тэрмасьö да корис мамсö:

– Гашкö, бöрсö ачыд локтан, со патераыс ключ. Тэ öд карсö бура тöдан, бөр туйсö аддзан.

Врачлы петкöдчöм бöрын Марья Ивановна мöдöдчис нылыслөн оланінлань. Оланіныс эз вöv ылын, да регыдөнкодь и воис. Патераыс вöлі коймöд судтаын, но кайис лифтөн. Со и тöдса öдзöсыс. Нывбаба перйис ключсö, кöсйис восьтны томансö. Но кыськö тай буретш сійö кадас лэбыштис сы дорö тöдтöм нывбаба да скöра горöдіс:

– Тэ, пöрыс выжив, ме патераö кöсйин гусясьны пырны!? Сюрин! Милиция!

– Ме диагностика шöриныс локта, ныв ордын кöсья шойччыштны, – повзыштöмөн шуис Марья.

– Кутшöм судтаын нылыд олö?

– Коймöдын...

– Тайö öд витöд нин. Патера номерыс кутшöм?

- Комын витөд...
- А менам ветымын коймөд!
- Ме, дона анбөй, абу мыжа. Синмөй лёка аддзө да, сорсьома. Буракө, лифтад кайигөн коймөд кнопка пыддиыс витөдсө личкыссьома...

ЛАГУН ТУВ

Важся Вылыбы грезд нюжөдөма ассыс сывсө Эжва веськыд берег пөлөн. Мича жө нин местаын, крут кыркөтш йылын овмөдчылөмаось татчөс коми войтырыс. Нэмсө найө нимавлісны уджөн. Вөдитлісны му-видз, дөзөоритісны гид-картаясын скөтөс. Но бөрья воясас грездыс дзикөдз пөрысьмис. Керкаясыс кушмисны, том йөз муналісны карө да.

Талун Вылыбын вит керкаын квайт олысь и эм. На пиысь витыс дзормөм нин пенсионерьяс, а квайтөдыс, Егор Миш, ар ветымына мужичөй, зільө көрт туй дорын. Отнас олө, том дырйиыс «рынышыс» сочылөма да абу и гөтрасьлөма. Миш оз курит, мукөд моз курыд зеллятө оз төкарит ни. Шойччан лунъясө отсасьө пөльпөчьяслы: өтияслы керка вевтсө дзоньталыштас, мөдьяслы пес поткөдлыны отсалас.

Со талун Михаил Егорович (тадзи сійөс ыдждөдлөны пөрысь войтырыд) пес поткөдлө Марья Ивановналы. Марья дасьтысьө гөгрөс чужан лун кежлө, регыд сылы тырас 80 арөс. Пуөма тагья сур, сакаралөма юанторсө, пуктыштөма рокөс да кисьтөма лагунө. И мед пө крепыджык лоас, лэптөма паччөрас. Кор бур сьөлөма мужичөйыд керкаас пырис лолыштны-шойччыштны, Марья чөс-мөдлыштис сійөс тагья сурнад.

– Но и добра тэнад юанторйыд, Марья Ивановна! – ошкыштіс Мишыд пөчтө.

– Ме, Егорыч, ветла автобусөн юрсиктө, чери да яйтор колө нөббыштны. Локтасны челядь, да и рөдвужыс менам уна. А тэ помалан уджтө да эн виччысь менө. Сөяныс со пызан вылын, а сурсө лагунсыс ачыд вийөдышт, – шыясис Марья Ивановна.

Мишлөн удж эштіс. Ёна зільөмсьыс пөсялөма, горшыс косьмыны кутіс. Кайис паччөрад да көсийс вийөдыштны суртө кружкаө. А лагун тувйыс зэлыд да некыдз оз шед. Отарө-мөдарө легө-

дас, и виччысьтөг тувйыд пырис лагун пытшкас. Ӧдйӧ эськӧ и тырис ичӧтик кружкайд, а сурьд водзӧ петӧ.

Мый нӧ вӧчны? Дыр думайтны некор, Миш сыйис лагун розьд шуйга певсӧ. Корсис эськӧ синнас паччӧрысь кутшӧмкӧ дӧратор да потор, но немтор эз аддзы. Суртӧ кружкасьыд юис да и унмовсис шоныд паччӧрад.

Кор Марья Ивановна воис лавкаысь, садьмис Мишыд да шысис кӧзаяйка дорад, ме пӧ ӧд пакӧсьт вӧчи, зарни пӧчӧй. Лагун тувйыд пытшкас йӧткыссис да, розьс шуйга певйӧс суйи.

– Но нинӧм. Менам мӧд тув на эм, – эз кут майшасьны пӧрысь ань.

Недыр мысти и мыччис мӧд тувтӧ. Егорович кӧсйис перйыны певсӧ, а сйӧ оз шед. Узигад бура дыр лои видзӧма розьд да и пыктӧма певйыд. Вель дыр ковмис Михаил Егоровичлы мырсьыны, мед чунсӧ сур лагунсьыд шедӧдны. Муртса «караул» эз кут горзыны. Пӧрысь нывбабатӧ повзьӧдас и. Сэссия ӧд Марья Ивановнатӧ он, небось, ысты мездысьяслысь отсӧг корны. Сикт-грездад МЧС-саясьд абуӧсь. Да и милицияд шыӧдчыны абу жӧ лӧсьыд. Сур пӧ вийӧданныд, пыр и шуасны...

Пессис-пессис Михаил Егорович, да медбӧрти шедӧ жӧ йӧрмылӧм певйыс. Сэссия вежон чӧж фельдшер дорӧ ветлӧдліс, доймӧм чунсӧ быд сикас мазьӧн мавтіс. Слабог, тӧлысь мысти кымын певйыс бурдіс, и бара на Миш босьтчис поткӧдлыны суседъясыслы пестӧ.

КАТША ШЫД

«Немтор йӧзлысь эн вӧрзьӧд». Комияс важысянь пыдди пуктӧны тайӧ кывъяссӧ.

Тадз тшӧтш пармаын – йӧз чӧс туйысь капканӧ-петляӧ шедӧм звер-пӧтка некӧд эз вӧрзьӧдлыв.

Но Чабар грездын овлӧма ӧти Кузь киа. Шулывлӧны тай: ыджыд семьяд пӧ и неморт на чужлӧ. Сэтшӧм Кузь киа мортсӧ сиктса йӧз асьныс судитлывлісны, серам вылӧ лэптывлісны.

– Арнас сьӧлаяс вылӧ петляяс пуктавлі, – висьталӧ Гриш Василей. – Ог норась, бурино вьськалі, дай пӧткаыс шедӧ. Но кодкӧ



пустуйтчө. Өтчид пув вотигөн челядь казялөмаось чөс туй выльсь Максим Педөрөс: сійө петляө шедөм сьөла босьтөма. Часлы, коркө ме Педөрөс велөдышта...

Көдздөдiс. Уси кöч гөн кодь небыдик лым. Өти войö Гриш Вась кань моз кайис Максим Педö керка вевт вылö, перйис зепсьыс кулöм катша шой да көрталiс катшаыдлы сьылиас сунис. Сунис помсö көрталiс тьöс пельöсö, суйис пач труба пытшкас. Асьвнас Педьлөн гөтырыс пач ломтiс, пачводзас шьд чугуи пуктiс, дона верöсыслы сьöла шьд көсйö пуны. Кыз тшын петтöдзыс нывбаба чугуисö колис пачводзас.

Пач ярмис, жарыс тшын сорнас пуркйö-петö пач трубаöдыс. А сунисыд сунис и эм, öдйö сотчис.

Катшаыд усис шьд чугунад. Кöзьяйкаыд эз и казявлы лöмторсö. А коркö сөсся и воис сөян-юан кад. Педөрлөн гөтырыс лөдiс бекарö шьд васö да вайис пызан вылö. Важöнтö медводз вöли шьд васö панялöны, а бöрас яйсö сөйöны.

Гоз-мöдысь паньыштiс шьдтö наян морт да скöра шуис гөтырыслы:

– Тэ нö, Клавдия, эн öмöй сьöлатö кушты? Шьдас тай гөнторьяс гөвкьялöны:

– Бура, зэв бура куштыли пöткатö, сартаса биөн чишкали и, – вочавидзис гөтырыс.

– Ноко, лэпты чугуишьд сьöласö, – корис көзяин.

Клавдия и гумовтiс чугуишьд катша шой.

Ок и скöрмис татшöмтор вылад наян мортыд, сьöласьны кутiс – сэрпалiн пö тэ менö талун, Клавдия.

Катша шьд панялөмсö Педөрлысь адзылис Чуня Пекла, пукавны вöли волöма на ордö. Грездса войтыр сйö луннас нин сёрнитiсны, кьдзи Максим Педөрөс гөтырыс катша шьдөн вердöма.

ПАРИЖСА ГÖСЬТ

Өнтип Микол важöнкодь нин олö юркарын. Гөтырыскöд сйö быдтiс кык ныв да пи. Нывьясыс чужан позсьыс ылö лэбзисны: öтиыс Ухтаын олö, а мöдыс – Красноярскын. Пиыс, Мишыс, овмөдчис юркарö, уджалö-мырсьö сур пуан заводын.

Өнтүп Микол во-мөд нин өтнас оло, гөтырыс кувсьөм бөрын эз нин гөтрась. Дерт, өтка морт дорад сибөдчылісны нывбабаясыд, но гөтырсе өна радейтліс, да сьөлөмсө сылысь некод мөд эз вермы вөрзөдны.

Тайө вөлі вежа рытьяс дырйи. Пөрысь морт нурьясьыштис да пуксис телевизор видзөдны. Недыр мысти кодкө өдзөсас кутис йиркөдчыны.

– Коді сәні? – юалис Миколыд. – Ме талун некодөс ог виччясь.

– Ме, ме суйөр сайысь вои, иностранеч. Лэдз шонтысьны да шойччыштны, бур мортөй, – вөзйысис рытья кортөм гөсьт.

Йиркөдчясь мортлөн гөлөсыс Миколлы вөлі төдсакодь.

Восьтис өдзөссө да шай-паймуніс: сы водзын сулаліс уска-тошка, лезь юрсиа мужичөй, киас вөлі сабля.

Повзыштискодь Микол, өдйө бөр пөдлаліс өдзөссө. Но рытья гөсьтыд бара кутис йиркөдчыны.

– Мун тась, весась, ме тәнө ог төд, – скөракодь шуис Микол.

– Төдан әскө да он көйы лэдзны, ме Парижысь вои, – шуис төдтөм морт.

– Гөлөсыс тай дзик Мишлөн кодь. Но кор да кыз сийө суйөр саяс ветліс, вит лун сайын на звөнитліс меным-а, – мөвпыштис Миколыд.

Мөдысь восьтис өдзөссө. Сулаліс сы водзын устөм-тоштөм Мишыс.

– Мыйла нө, пиукөй, ылөдчан-повзөдчан?

– Ме ог, ог ылөдчы. Ме өд збыльысь Парижысь вои. Öд миян керканым Парижын сулалө, – серам сорөн шуис батысьлы пиыс.

ÖЗЙÖНЫ БАКЕНЪЯС

(Вөвлөмтор)

Важысянь Әжва ю вердіс-юкталіс сиктса олысьөс. Уджач да зіль войтыр төв и гожөм, тулыс и ар кыйлісны уна пөлөс чери. Юыс вөлі и йөзлөн муна-ветлан туйөн. Лун и вой Әжва кузя кывтісны-катісны пароходьяс да буксирьяс. Водз тулысьянь сөр арөдз кылөдісны гырысь пурьясөн вөр. Ю кузяыс өзтавлісны

еджыд да гөрд бакенъяс. Пемыд войясын найо югдөдисны пароходъяслы туйсө...

Ёгор Микол, ар комына мужичой, бакенщикалис Пөкрөв ді бөжсянь Баба куръяөдз. Ёзтасян уджыс вөлі кывкутана и сьобкыд: карасин лампаяс рытнас колө өзтавны, а асывводзнас – кусөдавны. Гөтырыс, Анна, тшөкыда отсавліс Миколлы сыны да бакенъяс өзтавны.

Август пом. Анна водза-водз чеччис, куим төлысса пиыс чөскыда узис на, да жаль лои чеччөдлыны нёнёдыштны. Нывбаба тэрмасьомөн тотшсьөдіс верөс бөрсаяс. Дыркодь нюжаліс гозъялөн уджыс: пуръя пароход нуома вөлі өти бакен да ляскөма лыа көса бокө. Кызкө-мыйкө кыкнад бөр катөдисны туй индөдтө важинөдзыс. Сёрмыштисны. Анна кутчысьліс морөсас да нор кывъясөн шыасис верөс дорас:

– Мунігөн эг нёнёд Мишукөс да, морөсөй чералө, ёнтыны кутіс, нёньясөй мед оз жө пыктыны-а.

– Ноко, ноко, донаой, лок, пуксьыв ме дорө, нёнялышта йөвтө. Гашкө, и личалыштас морөс дойыд, – шуис Микол гөтырыслы.

Анна довкнитіс юрнас да пуксис сьөлөм косьтысь дорас. Микол топөдчис гөтыр морөс дорас, азыма кутіс нёнявны сук да чөскыд йөвсө. И колө өд, сійө здукас Чукля нырдесянь тыдовтчис юсь кодь «Волжин» пароход. Асывводзыс вөлі лөнь да шоньд. Палуба вылө каютаясысь пассажиръяс петалөмаөсь Эжва бокса мича серпасъясөн нимкодьясны. Капитаныс аддзис өзтасъысь мортлысь нёнясьөмсө да серам сорөн гораа шуис:

– Смотрите, смотрите! Мужик бабу сосёт!

Ёгор Миколыд эз падмы, воча горөдіс:

– Сосёт! Сосёт! Не ваше дело. И водзө кутіс нёнясьны.

ВӨВ ЯЙ ДА УР ЯЙ

Тарас Опонь да Ёгор Педь – кык ёрт. Чужисны, быдмисны да уджалісны өти грездын, нималісны төлка да зіль войтырөн. Опонь – кузь тушаа, лөз синъяса, дзормөм юрси-тошкыс ид идзас рөма. Тошкыс абу паськыд, а кузь да ёсь. Гашкө, сы вөсна и шуоны син саяс Көза тошкөн. Вескыд кокнас чөтө, ранитчылөма

еджыдъяскөд тышын. Та вöсна Опоньöс эз нулыны Великой Оте-
чественной война вылö. Сийö ёна радейтис вöвъясöс да, индисны
колхозын конюкавны.

Ёгор Педь – ичöтик тупаа, паськыд пельпомъяса, збодер
старик. Сийö дас куим арöссиянь петавлис батыскöд корсьны
кынöмпöт: вöравны да сортовка лэдзны. Маті вөръясысь олöма
морт тöдис быд ёль, быд шор да ордым. Дас нель арöсөн морттö
суис неминуча: шуйга сойыс сюрис ош капканö да нэм кежлас
колис ки пöлаён. Но Педөр вöралöмысь эз эновтчы. Öнi на пöрысь
морт кыйсьö, кöть и сизимдас арöс нин сылы тыри. Вöралысь
тшöкыда на сизыдштлö урлы синмас, медым кусö не тшыкöдны.
Уна ур, тулан, сьöдбöж, руч, кöч да мукöд пöлöс звер кыйлис нэм
чöжнас вöралысь. Весиг чергöдлöма сизим ошкöс.

Опонь да Педөр чужлöмабсь öти воö, öти купельын пö и
пыртлöмабсь Гам сиктса вичкоын. Арлыд вылö видзöдтöг кык ёрт
уджалöны-мырсьöны.

Война кусан во. Ноябрь пом. Педөр озыр прöмысөн воис пар-
маысь. «Небыд зарни» вылас сельпоысь ньббис пуля-порок, сёян-
юан, кöм-паськöм и, дерт, эз вунöд водка сулея босьтны. Гортас
локтигмоз вöралысь кежалис ёртыс ордö, горöдис:

– Волы, Опонь, миянö номсасыштны свежой яйөн да вина
румкаён.

Кор Опонь пырис ёрт ордас, пызан вылын дзоргис парма ёль
кодь югыд водка сулея, а сёй гырничсянь öвтис чöскыд яй дукөн.

– Лок, лок, сё муса ёрт, матыстчы пызан дорас, – корис
Педөр.

Кисьталисны стöканъясö водкасö, чокнитчисны да азыма
юисны, чöсмасисны чöскыд яйөн.

– Но и бур жö сёян, татшöмнад позяс и мöд доз на ректыны, –
кöза тошсö мольöдигмоз шуис колхозса конюк.

– А ме пыр тадзи: мый эм лов вылын, сийöс и вая меддона
ёртлы.

– Кöсья тöдны, кутшöм звер-пöтка яйөн тэ менö чöсмöдан? –
нуöдис водзö сёрнисö Опонь.

– Ур яйөн талун чöсмасям, – тöдчöдис Ёгор Педь.

– Аттьö винасыд да бур сёянсыд, волы коркö и ме ордö,
уджйöзөн ог коль, – скöрмис Опонь, чукуртлис нырбордсö,
кызöктис да öдийö петис керкаысь.

Колис кӧдзѣд тӧв. Март пом. Луннас ӗнакодъ нин сѣлӧ, а вояснас чорыда на кынмавлӧ. Асывсяньыс туйяс зѣв вильѣдӧсь. И тайӧ кадас Опоньӧс суис ыджыд шог: мӧдлапӧлӧ мунігӧн вадор кырийӧ вильдӣс Рыжко вӧлыс да дойдӣс бӧръя коксӧ. Вӧв эз бурд, и сійӧс ковмис начкыны. Колхозса председатель Батиев яйсӧ тшӧктӣс юклыны колхозникъяслы. Мича яй тор вичмис и конюкы.

– Бур и лоӧ Рыжко яйыс сѣян Педӧрлы, – ас кежас мӧвпыштӣс гортас вӧсьлалігтыр Опонь. Мунігмозыс ӗртсӧ горӧдӣс гӧститны. Конюклӧн важӧн нин вӧлі дасьтӧма спирт, медся крепд юантор. Сетыштліс сплавучастокса начальник вӧвъясӧс бура дӧзьбритӧмысь.

Сѣйсны-юисны кык ӗрт, варовитӣсны локтан гӧра-кӧдза йылысь, Пакуб кыр йылӧ виль муяс лӧсьӧдӧм йылысь. Пыма-лыштӧм бӧрын вӧралысь юалис: кӧсья пӧ и ме тӧдны, кутшӧм яйӧн тӧ гӧститӧдін менӧ?

– Рыжкоӧс, Рыжкоӧс талун мутшкам-сѣям, – нюмдӧмпырысь вочавидзис ӗртыс.

– Тыпу, – сӧлыштӣс джоджас вӧралысь. – Грек, грек колӧ тӧдны пӧрысь мортӧс Рыжко яйӧн сӧрпавлӧмысь.

Сӧсся тӧрыба пасьтасис да петӣс Педӧр ӗрт ордсьыс. Колис сӧксянь мыйтакӧ кад. Но конюктӧгыд он вермы овны сиктад: колӧ пестӧ вайны, гӧрны-кӧдзны. Кӧтъ и кодкӧ дӧзмывлас конюк вылӧ, лоӧ тай бӧр бурасыны да и ыдждӧдлыны на Опонь Тарасовичӧн. Асывводз. Кӧкъямыс кымын час. Ме буретш пукалі конюшня керкаын да виччыси, кор Тарасовичыд вӧв сетас. Ӗдзӧс дорын кыліс грым-грам, сӧсся пырис Ӗгор Педь, да важся ӗртыслы тепшитӧмӧн гораа шуис:

– Видза олан, Рыжко яйӧн чӧсмӧдысь!

– Чолӧм, ур яйӧн вердысьлы, – дӧзмӧмӧн вочавидзис Тарас Опонь.

«Пыр на дузьялӧны? Сиктсаяс лун-мӧд и сералыштӣны, а тайӧяс... Бурӧдны колӧ...»

– Пӧльяс, ме ур да вӧв яй сѣйӧм йывсьыд ӧти важ небӧгыс лыддывлӣ, – кӧсьянныйд кӧ, висьтала.

И заводитӣ ассым висьтӧс:

«Коркӧ важӧн нин миян Гам сикт местаын овлӧмаӧсь ыджыд котыръясӧн йӧз. Вӧлӧмаӧсь налӧн вӧвъяс. Сӧмын вӧвъяссӧ абу уджӧдлӧмаӧсь, а видзӧмаӧсь сѣйӧм вылӧ. А посни челядсӧ чӧсмӧд-

лөмабсь ур яйөн. И со өти асылө Эжва горувсянь тыдовтчөма куим карбас. Медводдза карбасас катө вөлөм ачыс Перымса Стефан, комиасөс Исус Кростослөн эскөмө пыртны көсйө. Чеччис сйө берегад, кайис пожөма ягад, сәсся йөсө сьылөдзгыс вөтлс Эжваас. Буркыв, дерт, лыддис да комиөн шуалис: «Ті пө мяян моз кутан-ныд эскыны, и Енмыс тиян өти – Исус Кростос, мунөй бөр асла-ныд чомьясад, дугдөй сөйны вөв да ур яйтө».

Коркө-некоркө, кадыд тай өдий мунө, сйө бөр кутис кывтны Эжва кузя. Сувтовкерис тайө сиктас да аддзө: пөрысь и том мутшкө-сөйө вөв да ур яй. Йөзыд кор казялисны епископтө, ыджыд шум ләптисны. Стефан скөра видзөдлс на вылө да крапкис-шуис: «Синтөм Гам – Рыжкоед!»

– Ме ног, тиянлы, кык пөрысь мортлы, оз ков скөравны өта-мөд вылө. Ур яйтө да вөв яйтө тидз сөйлсны Гамад, да и, чайта, тиян кулөм бөрын на кодсюрө кутас мутшкыны, – помалі ассыым сөрниөс.

Кык пөль меліа видзөдлсны өта-мөд вылас, пөся нюмъөв-тисны да өтвылысь шуисны:

– Вескыда өд мойдс том мортыс мяянлы. Нинөмысь лөгав-нысө.

ПЕТЫР МИКОЛ – ВИНА ГАГ

Петыр Микол важөнкөдь нин некөн эз уджав. Корсюрө калымитлс: пөль-пөчьяслы пес керавлс-поткөдлс, град йөрын от-сасьлс, турун пуктигөн зорөдьяс тэчлс.

– Ме уджтөмалысь батрак, – шулс Микол.

Мортыд өнакодь вөлі радейтө вина-суртө да ачыс тшөкыда-кодь пулывлс аскур.

Пөрысь мамыс Миколөс вина гагйөн ыджөдлө вөлі.

– Коркө тәнө нуасны эскө чөртьясыс мөдар югыдас да, ад горшөс, – скөра видлс пөрысь нывбаба писө.

– Алкогольыс менам вир-яйө йиджөма нин, да ме дорө чөртьясыс весиг матыстчынысө полөны, – шмонитлс сйө.

Ваймис, кусі гожся жар, воис бара зарни ар. Уджач, зіль йөзлөн урожай идравсьөма, ставыс йөртөдьясын. Грездса олысьяс пасйөны «Чудо» празник лун. Миколайыд тшөтш оз кольчы.



Горёдіс вина юысь ёртъяссё аскурён чёсмасыштны. Найё радпырысь локтісны да аскөдныс «Блеск» пакетъяс вайисны. Усытөдзыс юисны вина гагъясыд. Коркө-некоркө кольмём төрөканъяс моз Миколлөн ёртъясыс гортъясаныс муналісны, а сійёс дзыкөдз аскурыд да «Блескыд» личкис. Ки ни кок оз вөрзъы, кулём морт моз куйлө. Гортсаясыс чайтісны код морттө кулёмөн да моргө нуисны.

Асывводзнас садьмис вина гагыйд да гөгөрвоис, көні куйлө. Юрыс чугун кодъ сёкыд, но кызкө-мыйкө тай вермис чеччынысө. Көдзыд пасьтөгыд. Морг пельөссыс аддзис платтёшой да резина сапөг.

Пасьтасис Миколыд, көмаліс сапөгтө да и довгис-муніс гортас. Мыйён осьтіс керка өдзөссө, гора горөдіс: «Чөртъясыд менө бөр мөдөдісны мөдар югыдсьыс». Гортсаясыс повзисны, весиг садьсө воштисны, а Петыр Микол пуксис пызан сайё аскурён юрсө веськөдны.

Мөд лунас грездсаяс шензисны: мөдар югыдсьыс пө Петыр Микол воёма.

Чудө луннад збыль шензьөданатор лоёма, мортыдлы мөд нэм ковмас овны.

ТОМ ВЕЛӨДЫСЬЯС

Керөсбөжса шөр школа абу ыджыд. Сэні югдөдөны юрсө сё ветымын сайё ныв-зон. Школанас веськөдлө Карыбова Марья Петровна. Сійёс пыдди пуктылісны районын, өд воысь-во школаас велөдчысь лыдыс эз чинлы, эз вөвны и кольччысьяс. Дерт, вөліны омөля велөдчысьяс. Сөмын директор стрөга шуліс велөдысьяслы: «Көсьянныйд кө уджавны школаын, кыкъясөн энө дурөй, кольчысь мед эз вөв».

Таво школаө мөдөдісны кык том мортөс: Иван Александрович Лудыковөс пединститут помалём бөрын химия да биология велөдны да Александр Иванович Хлоповскийөс Сыктывкарса университет помалём бөрын математика да физика велөдны.

Выль велөдысьясөс директор паныдаліс бура, овмөдіс велөдысьяс керкаө. Но мыйлакө Кабыроваыдлы эз воны сёлөм вылас том йөзлөн овъясыс, мөвпыштіс: ладмасын-ө вир юысь гаг нима

овъяса зонъяс, ставыс-ö лючки лоö налөн уджын, оз-ö лэдзны челядьлысь велалан лыдпассö.

Том велöдысьяс öдйö аддзисны челядь сёлöмö туй, урокъясыс вöліны интереснöйöсь, нуöдісны кружокъяс.

Помасис медводдза велöдчан четверть. Кык велöдчысьлөн петöма кык: öтиыслөн химияысь, мöдыслөн алгебраысь.

– Ті, Иван Александрович да Александр Иванович, абу сёлöмсянныд уджалöмныд велöдчысьяскöд, бөрö кысканныд школасö, – шуис педсöвет вылын директор.

– Велöдчысьяскöд ми уджалам и урок вылын, и урок бöрын. Но найö унатор оз тöдны кольöм вöсяысь. Кадыс эз тырмы тайöс шыльдны-бырöдны. Чайтам, Ошпелев да Кузьпелев сүбдасны ёртъяссö математикаысь да химияысь, – шуисны том велöдысьяс.

...Роносянь юөртісны, регыд пö школа удж видлавны волас инспектор Турöбов. Лун-лун сійöс виччысисны.

Вöлі кöдзыд төвса лун. Мунісны бөръя урокъяс. И друг виччысьтөг би кусі. Гашкö, кöнкö мыйкö лоис да?

– Инспекторыд воöма, велöдысьяс жырйын пукалö, паськөмсö ни шапкасö абу пöрччöма, – тэрмасигтыр висьталіс школаса дежурнöй завучлы. Мöдыс котөрөн сорөн веськöдчис учительскöйö, öдзöссö вöсьтöмөн тшöтш чолöмасис: «Видза оланныд, Павел Иванович».

Но инспекторыд чöv оліс, кыв ни джын эз вочавидз чолöм вылад. Лоöмтор йывсьыд кывсис Карыбовалы. Сійö шай-паймуніс, котөрөн тшöтш веськöдчис инспектор дорö.

– Видза олан, пыдди пуктана Павел Иванович!– мелі гөлөсөн чолöмасис директор инспекторкöд. Но мöдыд чöv оліс. Кабыровалөн сёлöмыс ёкмуніс. Сöмын дзузган би вайöм бöрын казялісны: шмонитысьяс пасьтöдöмабсь да шапкадöмабсь скелет, код серти велöдысь тöдмöдліс челядьöс морт лысьöмөн анатомия урокъяс вылын.

Вежон мысти школаö воис Турöбов. Сійö тöдмасис том велöдысьяскöд, ошкис найöс уджысь. Кор висьталісны инспекторы төвса рытö лоöмтор йылысь, ёна и сералис сійö.

ПЕТИС СЫНӨДНАС ЛОЛЫШТНЫ

Куим том морт – Полев Вась, Исаков Саш да Кузьпелев Миш – кык во сайын локтисны армияыс да пырысь-пыр съод зарни перйысыясо медасисны. Куимнаныс гөтыртөмөс на. Шахтаын зильомыс профком вичмөдис налы Съод саридз дорө путёв-каяс.

Бура шойччисны зонгъяс лунвылад. Но лыда луныд тай өдйө кольө. Бөръя рытас чукөртчылисны шойччысыяс сэтчөс выль төдсаяскөд, мед мунөм водзвылас пукуыштны да номсасыштны курыд-торйөн. Мунан лунас Вась да Саш чеччисны водз, Миш куйлис вольпасын на.

– Михайлө, талун нежитчан али мый? Пыр вөлі петук моз миянөс чуксалан-а, – шыасис Кузьпелев динө Васька.

Миш чөв олис. Полев матыстчис ёртыс дорө, лэптыштіс шебрассө да повзис: куйлысьлөн чужөмыс вөлі лөз, кисө паськөдөма өтарө-мөдарө.

– Мишыд кулөма! Колөк, сьөлөмсө топөдис да, – шогпырысы ышловзис Вась. – Мый сэся вөчны?..

Мөвпалыштөм бөрын ёртгъяс шуисны: Кузьпелевөс татчө кольны оз позь, босьтам пө сьөрыс поездас.

– Везькыд коксө гартлам бинтөн, а проводниклы висьталам, Кузьпелевлөн пө кокчөр лыыс чегөма. Тэ, Вася, петкөдлан билетгъяссө, ме мездорын пырта Мишөс вагонө, – кывкөртөдалис Исаков.

Сідз и вөчисны. Билетын индөм купеыс вөлі куш. Кузьпелевөс лэптисны вылыс джаджгъяс, асьныс мунисны нургъясыштны вагон-ресторанө.

Поездыд чушкө-пушкө, өдйө мунө. Кутшөмкө станцияын шархөргъяс дорө пуксьөдөмаөсь нельөд мортөс. Дыркодь Вась да Саш нургъясөмаөсь, казгыштөмаөсь тшөтш Кузьпелев ёртсө.

Но, шуласны тай, неминучаыд өткөн оз ветлы. Кутшөмкө здукө поездыд виччысьтөг чинтіс мунан өдсө, вагоныд дрөгмуніс, да Кузьпелевлөн шойыс джоджас уси. Нельөд мортыд вөлі нин водөма шойччыны, шум-гам вылө чеччыштіс куйланінсыс, видзөдліс усьөматө да падмис: сійө кын. Ёна повзис мортыд, вермасны пө мыждыны. Сэся восьтіс купе өшиньсө да шыбитіс Мишлысь шойсө көрт туй бокас.

Недыр мысти купеад пырисны Полев да Исаков. Коть эськө найо вöліны ёна нин кодось, дзик пыр и казялісны – Мишбөйд абу. Чуймóm шахтёръяслөн юалóm вылө тóдтóm морт вочавидзис: час джын сайын пö ёртныд петіс сынóднас лолыштны...

ВОДЗӨС

Лудік Вань олөма нин морт. Куим во сайын пенсия вылө петіс. Олө-вылө батыслөн на лэптылөм керкаын дзик өтнас. Семьясö Ваньыс абу и лөсьöдлөма. Шуоны, тай, медводдза муслуныс сылөн рыныш моз соччөма, да сэсса абу и вермылөма выль мус-лунсö пестыны некутшөм анькөд.

Керкаыс Ваньлөн дзик миртуй бокин да, ветлысь-мунысь тшөкыда сы ордö пыравлө шойччыштны да шонтысьыштны.

Вөлі төвса рыт. Ывлаыс кöдзых. Тöлыс таркөдчö керка стеньясö, шонтысьны вöзйысьсö. Вань пукалө пызан сайын да лыддьö «Коми му» газет. Шы ни төв. Чöвлунсö торкис öдзсö таркөдчөм шы.

– Бур мортöй, лэдзлы шонтысьыштны, кагаöй гегдыны кутіс, – шыасис нывбаба.

– Лок, лок, шöвк тугйöй, – корис туйвыв мортöс Лудік Вань. Радлігтыр аныд аттьöалис бур морттö да юалис:

– Оз-ö позь дзюлюкös паччöрад лэптивны шонтысьны?

– Шонты, шонты ичöt гулютö, – тшөктіс анылы Вань.

Недыр мысти нывбабаыд петіс автобус видзöдлыны.

Унакодь кадыс колис нин, а нывбабаыд абу и абу. Лудік Вань майшасыны кутіс: эз-ö энөвт дзюлюксö. Нюркөдчыліс паччөрлань, кага чöv оліс. Тубрас увсьыс ватор казяліс.

Öдйö петіс автобус сувтанінö, но некодös эз аддзы. Пырис суседка ордас, Марья дінö, да висьталіс лөмтор йывсьыс, корис сійös видзöдлыны кагасö.

– Сө морö, тöдöмысь туйвыв мортых энөвтіс быдтассö тэныд. Гашкö, ныв либö пи козьналіс, аслад тай абу жö а, – сералігмоз шуис Марья пöч. Разисны кор тубрассö, аддзисны кага пыдди ыджыд лым ёкмывь.

– Но и но, вежа рытнас нюм-серам корсьысь морт волөма тэ ордö, Вань, – тэрыба чöвтіс Марья пöч да уськөдчис öдзöслань.



Лудік Вань гөгөрвоис: тайö аньнас вөлöма Марья пöчлөн
нылыс. Коркө том дырйиыс на öти вежа рытö Вань ачыс тешит-
чылöма суседка вылас. Олöма нывбаба корöма нывсö олöма морт-
лысь водзöссö перйыны.

ГӨТЫРЛӨН ВИСЬӨМ

Ершов Налим Сазанович уна во нин юркарса гарнизонун уджаліс. Сійӧс пыдди пунктӧны вӧлі частьса салдатъяс, сержантъяс, весиг сыысь чинаджыкъяс. Гӧтырыс, Роза Дурмановна, горт оліс, пуис-пӧжаліс верӧсыслы сӧян-юан, пелькӧдіс оланінсӧ. Олӧм-вылӧм гозъялӧн рӧдтіс-исковтіс шыльыда. Сӧмын ӧтитор майшӧдліс найӧс: муса гӧтырыс Налим Сазановичлы ныв-пи эз вермы козьнавы. Та вӧсна Ершов дзик быд гожӧм Роза гӧтырсӧ лӧбӧдлывлӧ вӧлі шоныд саридз дорӧ бурдӧдчыны.

Гожӧм матыстчӧ. Служивӧй морт бара дасътысьӧ гӧтырсӧ ылі муӧ нуӧдлыны. Но службаыд служба и эм. Виччысьтӧг вылісянь тшӧктӧм воӧ: индины Н.С.Ершовӧс юркарса гарнизонӧ командирӧн. Ковмис вежны шойччан кадсӧ. А Дурмановна оз кӧйы саридз дорӧ ветлӧмысь энотчыны.

– Гашкӧ, тӧа-меалы шудным усяс нин таво гожӧм, дзикӧдз менӧ бурдӧдасны, – нора шыасис Роза.

Дыркодь мӧвпалӧм бӧрын Сазановичыд и шуис:

– Ветлы, ветлы, муса дзоридзӧй, сӧмын тӧнӧ дӧзьӧритны мӧдӧдла ассым отсасысьсӧс.

Воисны ӧти кывйӧ.

– Тӧ кутан синйыны менсьым гӧтырӧс. Сибӧдчыны кутасны сы дорӧ сӧд йӧз – сетан телеграмма. Ӑти кыв и гиж: «Висьмис», – сетіс татшӧм индӧд Ершов служивӧй мортлы.

Лӧбзьӧмсянныс некымын лун коліс. Гарнизонса командирлы телеграмма воӧ: «Висьмис, но ме сы дорӧ некодӧс: ни сӧдӧс, ни вижӧс, ни еджыдӧс, ог лӧдз». Мӧд гижӧдын служивӧй юӧртіс: «Ёна висьмис, ме лун и вой янсӧдчытӧг сы дорын». Коймӧд каба-лаын вӧлі гижӧма: «Бурдіс. Врач шуис, челядь пӧ тӧян лоас».

ПУТАССУ

Ӑжва ю коркӧ вӧлі озыр чериӧн. Та вӧсна йӧзыс важысянь овмӧдчылісны ю пӧлӧныс. Со и Кырув грезд нюжӧдӧма ассыс сывсӧ сылӧн веськыд пӧлӧнас. Сиктсаясысь унджыкыс радейтісны кыйсыны. Ӑтияс кулӧмӧн, мӧдъяс вугырӧн, весигтӧ тывъяв-

ны ветлывлісны. Микол Ёньё тшётш ичотсяньыс лэччывліс Эжва дорё вуграсьны. Бёрынджык донкаён да пёдольникъясён кыйсьыліс. Сійё нин бура вёлі тёдё, кор, кысь да кутшом чери позяс кыйны. Ичотнас мам-батьсё чёсмёдлывліс чёскыд чериён, сэсы гётырсё да челядсьё тшётш кутіс.

Макар Гриш Ёньёкод тшётшъя вёлі. Дыш да горш, – шулісны сы йылысь сиктсаяс. Ю дорад, дерт, и сійё лэччывліс, но мыйлако чериыд ёнасё сылы эз шедлывлы. Йёзыд эджык радейтны сійёс, дай весиг чериыд, тыдалё, тшётш. Мича чери вылад вежыс петалё эськё, да оз шед. Мёвпыштис горш мортыд йёз донкаяс-пёдольникъяс видзёдлыны. Ётпыр видліс, мёдысь, кажитчис. Мича чери гортас некымынысь нин вайис.

Микол Ёньё казалис: кодкё сылысь донкаяссё кыявлывлё. Отсёгла шыасис вуграсьысь челядь дорё. Найё адзылёмаось гусясьысьтё.

Ёньё ветлас лавкаё да ньобас куим путассу лов. Рыгнас вуджас кыйсьынытё да вугыръясас путассуястё пысалас. Локтігас паныдасяс Макар Гришыд да висьталас сылы ошйисигтыр:

– Талун пё бур чери шеді, чайта аски на шедыштас.

Гриш асья кыакөд тшётш чеччас, мёдлапөлад өдйөджык вуджас. Кыялас донкаяссё ёртыслысь да чуймас. Путассуяс али мый нё Эжва-матушкаад саридзысь кайёмаось!?

Локтігас кежалас лавкаё да вузасьысьдылы ошйысьыштас:

– Талун меным донкаясё путассу шедёма.

– Нолы, нолы, вай видзёдла кыйдөстё, – корас вузасьысьыд.

Видзёдлём бёрас сералігтырйи шуас:

– Путассуыд менам лавкаысь. Янөдісны наян мортёс сиктса войтырыд.

ОТСАСЬЫСЬЯС

Кырув грездын олысь Анна тьёт ёнакодь радейтліс винасуртё. Олө сійё вёлі дзик отнас. Панера вөчан заводын уджавлёма, да пенсиятё унакодь босьтё вёлі. «Меным сёйнытё уна сьом оз ков, вот и видза вина-сур вылө», – шулывлё Анна тьёт. Град йёрас быд пөлөс пуктас быдтё.

Со талун бара нин довъялө-мунё грезд шөрөд, тыдалё, ёна-

кодъ чѣсмасьѡма курыдторъяснад. Сувтыштліс Ёгор Вась ѡшинь улѡ. Вась семьянас вѡлі петѡма картофель идравны.

– Видза оланныд, уджач йѡз, – чолѡмасис Анна да сьѡлѡмсянныс сиис:

– Ен мед отсалас тѡянлы!

– Тѣ нѡ мый тѡкаритан асывводзсянныс, картофельтѡ он ѡмѡй на босьт?– юаліс Вась Анналысь.

– Аски водза-водз Зѡвсьѡртгысь локтасны отсасысьяс, да ѡти лунѡн ставсѡ босьтам, – вочавидзис шѡма юра нывбабаыд.

Мѡд луннас, лѡз югыд на вѡлі, Анна нин чеччис, град йѡрас нѣль полокалѡ сувтѡдіс. Ѳтиѡс верѡсыслѡн важиник шынельѡ кышѡдіс, мѡдѡс – купайкаѡдіс, коймѡдсѡ да нѣльѡдсѡ курткаѡдіс. Быдѡнлы шапкаяс корсис. Насянь нѣылѡ бипур пестіс, сѣсся пырис керкаас пач ломтыны.

Ёгор Васьыд тшѡтш водз чеччывлѡ. Кильчѡ дорас курытчыны петас да шемѡсмас: Анна керка дорланьын нѣль морт да бипур. Керкаас пырѡм бѡрын и гѡтырыслы шуас: Аннаыд пѡ абу весьшѡрѡ ошйысьѡма. Зѡвсьѡртса войтырыд бипур пестѡмаѡсь да печенча пѡжалѡны шонтысигмозыс.

– Вай, Марья, Эжва дорѡдз пожъясьны лѣччылам, видзѡдлам тшѡтш Анна тьѡтлысь чѡмѡрсѡ матѡдысьясѡс. Анналѡн керкаыс дзик Эжва дорѡ лѣччан туй бокин.

Вась гѡзъя кор воисны Анна керка дорѡдз, чуймисны: град шѡрас сулалісны полокалѡяс.

Васьыд серам сорѡн шуис гѡтырыслы:

– Но и нывбаба, кужѡ шмонитнытѡ Аннаыд.

ВЫЙОВ

Таво Олег Маслов школаѡ муніс, велѡдчысьѡн лоис. Медводза луннас челядѡ тѡдмасисны велѡдыськѡд: быдѡн висьталіс ассьыс ним-овсѡ. Со и Олег сувтіс, но овсѡ висьтавтѡдзыс юаліс:

– Рѡчѡн али комиѡн висьтавыны овѡс?

– Висьтав комиѡн, – тшѡктіс велѡдысь.

– Выйов, – збоя шуис Маслов.

Велѡдчысьяс нюммунісны, сылѡн ѣртыс, Коля Балин, весигтѡ гѡраа серѡктіс. Велѡдысь тшѡтш нюммуніс, но ошкыштіс зонмѡс:

«Зэв бур, Олег, ассыд овтö комион и рочон тöдан. Школаын тэ Маслов лоан, тадзи тэнö журналö пасйöма».

Школаö мунігкежлас мамыс Олеглы ньöбис выль костюм. Зонлы вöлі зэв нимкодь, торйон нин эзысь кизьясыс кажитчисны. Мамыс ньöбигас на шуліс, тайö формасö во-мод ковмас новлыны, корис видзны, гортö локтöм бöрын гортса паськөм вылö вежны.

Но челядыдлөн мам тшöктöмыд тай öдйö вунö. Медводдза лунас школаысь локтігөн зонлы син улас усисны зэрöм бöрын артмөм визув шоръяс. Найö кытчöкө тэрмасисны-котöртисны öта-модныскөд вашкөдчитгыр. Зон сулыштис, кывзыштис недыр налысь сёрнисö. Сэсся пондис бумага пыжъяс лэдзавны. Гортас нин казяліс: костюм гачыс нййтöссöма. Дзөбис сійöс койка улö, а ачыс сөйыштис да кайис паччөрö. Удж вывсьыс мамыс воис сөрөн, пиыс узьö нин вöлі. Ёнакодь скөрмыштис аныд, кор джодж мысь-кигöныс аддзис пиыслысь нййт гачсö.

Мыськалөм гачыд асылöдзыс эз косьмы, Олеглы ковмис гортас кольччыны.

Мод луннас велöдысь юалис Олеглысь:

– Көсья тöдны, мыйла тöрыт Маслов эз вöv школаын?

– Ме школаысь мунігөн нййтöсьті гачсö, мамö мыськаліс сійöс, да эз косьмы, – мыжа морт моз висьталіс зон.

– Водзö вылö нййтö эн пыр, бöрйы мунан туйтö, – велöдана шуис велöдысь.

Колис кад. Вöлі нин сентябр пом. Олеглөн школаö мунан туйыс чукыльтис Иван Константинович керка дорті. Зонлы син улас шыбитчис: велöдысьлөн сьöd ной гачыс косьмö-öшалö керка стен бердас.

«Велöдысьлөн тöрыт гачыс нййтöссöма да мыськалөма. Со абу на косьмөма. Сідзкө, миянөс талун оз велöд», – мөвпыштис Олег да бөр муніс гортас.

Мод луннас велöдысьлөн юалөм вылö Олег Маслов вочавидзис:

– Иван Константинович, тиян гачныд öшаліс керка стен бердад. Чайті, школаö он мунöй. Ме ог ылöдчы. Кыв сета, быд лун кута волыны школаö.

Сюь да вежöра Маслов та бöрын пыр воливліс школаö, лоис медбур велöдчысьяс пиысь öтиөн.

ВАКАКАН

Гам-Кырув – коми йӱзлӱн зэв важся оланін. Грездыс нюжӱ-дома ассыс сывсӱ Эжва веськыд берег пӱлӱн. Кырулын олӱны-вылӱны аслыспӱлӱс нима уна войтыр: Ном Микол, Ош Миш, Сир Миш, Бугыль, Чита да мукӱд. Кор да кыдзи татшӱм нимъяссӱ сетлӱмаӱсь ёрта-ёртыслы Эжва дорса олысьяс, талун сӱӱкыд нин висътавны, зэв нин важысянь вӱдитчӱны да. Но, колӱ шуны, и ӱнӱя олысьясысь унджыкыс оз дӱзмыны, кор тадзисӱ ыдждӱдлӱны найӱс. Сӱмын олӱма нин морт Микол Васьӱс пыр вӱлі дӱзмӱдӱ Кук нимыс. Кысь сылы татшӱм нимыс?

...Шоныд гожеся луно мунӱма Василейыд Эжва дорӱ вуграсьны. Изъя берег дорын ваыс пыр сӱдз вӱлі да и шоныдджык мукӱд-ладорысь. Тани и чери кыйисны, и купайтчисны, и пожъясисны. Со и сӱк Вась чери кыйӱма, а Сеня нима зонка пырӱма купайтчины. Зонмыд, тыдалӱ, абу на бура кужӱма вартчынысӱ да вабергачӱ веськалӱма, повзӱмысла кутӱма горзыны: «Вась дядь, кук, кук».

– Эн дӱзмӱдчы, черисӱ эн повзӱдлы, – юрсӱ бергӱдтӱг скӱракодъ вочавидзис олӱма морт. Зонлысь горзӱмсӱ кылӱма мӱд вуграсьысь да сӱйӱ и мездӱма Сеняӱс. Вӱлӱмкӱ, зонмыс неуна мыкта-лыштӱма: сӱрнитӱгас «т» шы пыддиыс сьлӱн «к» артмӱ вӱлі. Отсӱг коригӱн «Кут!» пыдди сьлӱн «Кук!» артмӱма. Микол Васьыд чайтӱма: нимтысьӱ зонмыс.

Мӱдысь коркӱ Сеня паныдасьӱма Ёгор Мишкӱд. Мишыд кык ведрӱн Яг шорысь ва вӱлӱм катӱдӱ.

– Миш дядь, ва какан, – нюмъялӱгтыр шуӱма сылы Сеня.

– Эн дӱзмӱдчы, гачтӱ куля да петкӱдла тӱныд ва какан, – скӱракодъ крапкӱма Миш.

Сӱйӱ кадсянныс асьсӱ Сеняӱс кутӱмаӱсь Вакаканӱн шуны.

ТШЫКӱДЧЫСЬ

Воис Виль во. Кышыда да гажая пасйисны ыджыд праздниктӱ сиктса и карса войтыр. Рӱштво бӱрын пуксис Вежадыр. Том войтыр и олӱмаджык йӱз гадайтчӱны, быдӱнлы окота тӱдны, мый сылы козыналас Виль воис.

– Вежадырйиыд колö видзчысьны тöдысьясысь да еретникъ-ясысь, – тадзи пöль-пöч öлöдöны том войтырöс.

– Сэки еретник-тöдысьясыд «йирöны» öта-мöднысö. Важөн найö чукöртчылöмабсь Öтъя-Паля коластö – Пожög вожö, – казъ-тивлö Гам-Кырулын олысь Марья пöч. Сэсся водзö висьталö:

– Миянлысь грезднымöс кык пельö юкö Öдök шор: öтарас Кырув, мöдарас Йөнöддор. Олысьясыс öта-мöднысö вöли аслыспö-лöса нимтöны: кырувсаясöс утки походки кырувчи, а йөнöддорса-ясöс катша-рака йөнöддорчи.

Йөнöддорын олысь Öльöш Педьöс быдөн вöли тöдö. Тайö кузь тушаа, сьöд синма, кос чужöмбана мужичöйсö грездсаяс вöлөм еретникөн шуöны.

– Педьтö нимтылöмабсь бурдöдысьөн тшöтш и тшыкöд-чысьөн, – водзö сёрнитö пöрысь ань. – Öтчид Лудык Васьлөн ку-каньыс висьмöма: оз йирси ни ва оз ю. Ковмöма сылы Öльöш Педь дорад шыöдчыны.

– Котöртлы, ёртöй, парта винала, а ме тэнад ветлигкостыд бурдöда куктö, – тшöктöма тöдысьыд.

А ачыс сьöрсьыс босьтöма шоньд ва, майтöгтор да кузь-чышьян. Шоньд майтöга ванад мыськалöма куканьтö да сэсся косöдз чышкалöма ныр-вомсö. Та бöрын чукöстöма Лудык Вась-лысь гöтырсö:

– Лок, Педöсся, юктав куканьтö да небыдик турун сет.

Куканьыд пыр и мöдöма сёйны.

Пемöсыдлөн вытьыс вощьöма, да и бурдöма.

– Бöрынджык кывсьöма: Öльöш Педьыд пö куканьыслысь ныр-вомсö карасинөн мавгыштлöма. Со öд кутшöм тшыкöдчысь-яс да бурдöдчысьяс овлöмабсь миян грездын, – тадзи помалис ас-сьыс сёрнисö Марья пöч.

ТЭРЫБ

Ябара грездын овлис-вывлис Тэрыб Митрей. Латшкöсiник тушаа, паськыд пельпомъяса, сьöд синма, русыд юрсиа, чукля-кодъ кокъяса. Ичöтсянныс муркöдчылис му-видз вылын, бöрын-джык лэдзис сортовка, пуръясьлис да кылöдлис вөр.

Важон пуръястө кылөдлөмаось Кардорөдз, өнiя ногон кө, Архангельскөдз. Митрейос, збой да уджач мортос, радпырысь медавлисны уджавнытө. Өтчыд Митрей өртъясыскөд пуртө Кардорөдзид кылөдом бөрын вөли пароходон гортас локтө. Туйыд гортөдзид кузь. Өтияс сёр рытөдз картiасьоны, мөдъяс шегъясьоны, коймөдъяс тешкодь вөвлөмторъяс казътывлөны.

Кодкө висьталөма Митрей йылысь пароходса капитанлы. Сийө пө тэнад чушкысь-пушкысь пароходсьыд дас пөв тэрыб. Капитан, дерт, абу эскөма. Дас шайтысь заклад вартасны, мый Митрей пановтас пароходсө. А сәки дас шайтыд ыджыд сьом вөли.

Митрей шуөма:

– Танi менө чеччөдөй. Ябараө тiян пароходысь водзджык воа. Весигтө пывсян ломта.

Сиктөдзыс верет сизимдас-көкъямысдас на вөлөма.

Кор пароход матыстчис Ябара дорө, ставон аддзисны кыр йылын сулалась Митрейос. Сийө өвтiс кинас, корис өртъяссө пывсьыны.

Со нөшта мый позьө висьтавны Митрей йылысь. Өтчыд сиктсаяс мунасны вөвъясөс кутавны. Ставнысө кутасны, сөмын Тшая кок некодос ас дорас оз сибөд. Ковмөма шыасьны Митрей дорө.

– Ерөмакань, тайө мен тшаква, – шуөма сийө, гораа шутөвтөма да босьтчөма котравны вөв бөрсаяд. Сэтчөдз вөвтө котрөдлөма, мый мөдыс лигышмунөма да сувтөма.

Өни кө олис Митрейыд, мушарвывса вермысьон вөли.

УР КУЯС

Михаил Григорьевич Пипуныров Погост грездын нимавлis уджач, сюсь да визув мортон. Кузиник тушаа, сьод синъяса, косiник чужөма шөр арлыда мужичөйлон семьяыс вөли ыджыд – нель пи да куим ныв. Эз вөв кокни вердны-юктавны, комөдны-пасьтөдны быдмысь дзюлюкъясөс. Гриш Миш, тадз шулывлisсны сийос грездса войтыр, төлын сортовка лэдзис, тулысын пуръясискылөдчис, а сәсся му-видз дорын уджалis. Нимавлis сийө и бур кыйсьысьон. Тшөкыда тулан, руч, көч, ур куяс нулывлis вузавны Яренскө. Вузасьны-артасьнытө вөли кужө бура, көть сөмын церковно-приходскөй школа помавлөма.



Төвся лун. Гриш Миш Яренска базарын сулалө да ур куяс вузалө, небыд зарниыс мешөк тыр. Матыстчис сы дорө карса купеч да и коалө: донөн-ө пө ур куястө вузалан?

– Ме ог радейт ёна донъясьны, – шмонитігмоз шуис вузасьсы.– Босьган өти ку – өти көпейка, мөд куыс – кык көпейка, коймөдысь – нель, нельөдысь – көкъямыс да сідз водзө.

Зэв нимкодь лои купечыдлы, донтөма пө и вузалө коми мужикыд.

Но кор кутіс артасьны, купечыдлы ковмис юрсө гыжйыштны да эновтчыны ньобасьомысь. Сьомыс эз тырмы. А коми вöралысь вöлі вузалө дас вит ур ку. Гашкө, ті артыштаннуд, уна-ө сьом колө вöлі мынтыны купечлы дас вит ур куысь?

КЫК ВОК

Мойд

Олісны-вылісны кык вок: өтиыс озыр, а мөдыс гөль. Озыр мортлөн вöлі ставыс тырмымөн: ыджыд көрөмина-керка, карта тыр скөт, помтөм-дортөм бур му-видз. А гөль воклөн – важиник керка, вит челядь, лёкиник му-видз, аслас няныс тырмыліс Ыджыд виддзөдз. Өд ыджыдджык вокыс ай-мамыслысь став озыр-лунсө босьтіс аслыс.

Ичөтджыкыс вердіс семьясө бокын уджалөмөн: төвнас сортовка лэдзис, а тулыс-гожөмнас вөр кылөдіс да шпал лөсалис.

Жар гожся лун. Эжва дорын гөль мортыд шпал лөсалө. Пөсьыс шорөн лэччө. Виччысьтөг уджач мортыдлөн кысьыс черыс мыніс да вöйи йирө. Шогө усис, пуксис берегас да бөррдзис. Дыр-кодь сійө пукаліс-шогалис. И со кыськө тай виччысьтөг матыстчис сы дорө ичөтик тушаа, дзор тошка пөль.

– Мыйла нө бөрдан, бур мортөй? Кутшөм шог суис тэнө? Гашкө, верма отсөг сетны, – шуис пөльыд.

Мужик веськыда висьталіс аслас шог йывсьыс, ёна жалитіс вошөм черсө.

Пөль ышөдіс сійөс:

– Ме здукөн вешта тэнсьыд шогтө.

Сунліс пöрысь морт ваас да мыччис мужиклы эзысь чер.

– Тайо тэнад черыд?

– Абу, абу, – вочавидзис крестьянин.

Модысь польшыд сунліс да мыччис зарни чер.

– Гашкө, тайо?

– Абу, абу, – шога шуис голь морт.

Коймодысь вао пыраліс да мыччис көрт чер.

– Со, тайо менам черой, шонъяной-батьолон на, – радліг-тырйи шыасис мужичой.

Аттьобалис голь вокыд польёс да бара кутіс шпал лосавны.

– Босьт, уджач да бур морттой, и зарни да эзысь черъяссө. Тэнад көртыд вермө вердны сөмын семьятө, но тайо кыкыс вермасны унджык вочны, – варовитіс тошсө малалігмоз поль.

Сьолөмсянныс голь морт аттьобалис польёс бур вөчөмысь.

Сийо кадсянныс ичөт вокыс ыджыдсьыс бурджыка кутіс овны. Оти воон вокыс кодь керка лэптис. Модыс и шензьо:

– Кыдз нө бара вокой озырмис-а?

Коркө-некоркө сәсся и юалис:

– Кысь нө тэныд, муса вокой, татшөм озырлуныд?

Ставсө веськыда ичөт вокыд висьталіс. Горш мортлөн синмыс коинлөн моз оэйис. Кватитіс чер и Эжва дорө. Гоз-модысь лөсыштис пожөм кер да брунгис черсө Эжваө. И дзөля кага моз кутіс бөрдны.

Регыд бөрдөм шы вылө локтис дзор тошка поль да юалө:

– Мыйла бөрдан?

Висьталіс наян мортыд ассъыс шөгсө.

Поль суніс вао да мыччис эзысь чер:

– Тэнад?

– Менам, менам, вай татчө өдйөджык.

Сы бөрын зарни и көрт черъяс пөрысь мортыд перйис вась. Босьтис куимнансө ыджыд вок, весигтө аттьө эз шу. Гортланьыс веськөдчис. Сөмын воштис туйсө да ылаліс сьөд вөр шөрө. Сэтчө и узьмөдчис. Войнас локтис сы дорө пөрысь польшыд да бөр босьтис сылысь куимнан черсө.

– Уна тэ көсьян да этша босьтан, – кывкөрталіс поль да вошис.

Уна лун горш морт шөйтис вөрөд, тшыгъяліс, кынмаліс, муртса и воис гортөдзыс.

СЮЗЬ ДА ШЫР

Мойд

Вөвлі кад, кор сюзь луннас эз узь, эз дзебсьыв пемыдіно. Сійо кыйсис. Синмыс кыйсьысь лэбачлөн вөлі ёсь, ставсө аддзис ылысь.

Өтчыд сюзьыд кутіс шырпиос. Но шырыд вөлі вывті нин косіник. Сюзь крепыда кутіс сійос гыжъяснас да мөвпаліс: гашкө, нылыштны ставнас?

Шырыд сюсь вөлөма да шыасис:

– Эн пө сөй менө, ме пө тэныд уна шыр чукөрта. Талун пө найо локтасны гөститны татчө, менсьым нимлун пасйыны. Сэки тэ пөттөдзыд чөсмасян да запастор на вөчыштан.

– Со кыз, – серөктіс сюзь.

– Тэ сөмын дзебсьы кытчөкө матөджык да пыр шонді вылас видзөд. Кор шондіыс узыны мунас вөр сайо, тэ сэки и лок бөр татчө. Менам ёртъяс сэки сьывны-йөктыны кутасны, тэ найос и кутавны кутан, – велөдіс шыр сюзьос.

– Бур! Бур!– шуис сюзь.– Но төд: пөръялан кө, асьтө сөя.

Дзебсис сюзь ыджыд мыр сайо да видзөдө: шонді дыша вывань кайо. Коркө-некоркө и увлань мөдіс.

Дөзмытөдзыс видзөдіс чөскыд ужынтө виччысьысьыд. Көсйыліс нин лэбзыны сійо, но горшлуныс эз сет вөрзыны пукаланінсьыс.

Кор шонді пөдлаліс өдзөссө, сюзь немтор эз кут аддзыны, дзыкөдз синтөммис. Сөмын пемыднас нин сюзь кызкө-мыйкө корсис позсө.

Сійо кадсянныс сюзьяс ёна дөзмөмаось шыръяс вылө. Өні сөмын войын кыйсөны. А луннас, кор шонді лышкыда койо югөрсө, сюзьяс пукалоны позъясас.

ОЗЫРЛУНЫД – УДЖЫН

Чабара грездын овлөмаоьсь-вывлөмаоьсь гозъя, найо быдты-лөмаоьсь оти пиос. Мам-батысылы вөлөма зэв сьокыд Парпонь нима писо крестьянской уджо велодны. Абу прөста шулөмаоьсь пöрысь йоз: оти пиыд пö даскөд воча. Батыс нин пикө воис, видас-видас Парпоньос, а сылы веськодь, оти пельодыс пырө, а мөдодыс бөр петө. Дыш оклупень дай ставыс – сөмын сыв судта тушанас, а нинөм вылө шогмытөм морт. Сийө мөвпалө сөмын сы йылысь, кыс эськө зарни чукөр аддзыны да озырмыны.

Отчыд батыс локтис тыла вочанинысь да радпырысь вись-талис пиыслы:

– Ме пö раскысь аддзи зарни чукөр. Мунам, пиөй, өдйөджык сэтчө лэчыд черөн да зырөн. Медым некодлы оз сюр озырлуныс.

– Зарни чукөрыс кызд пу улын куйлө, – висьталис батыс да индис местасө. – Пөрөд пусө.

Зон зля кутчысис уджө. Оти пу пөрөдис, мөдөс, коймөдөс, а зарни пыр эз сюр. Батыс мыръяссө бертө. Мыр улас пö куйлө озырлуныс. Парпонь кутис и батысылы отсасьны, но зарни эз на сюр.

Ёна мудзисны, шойччыны пуксисны, мөвпалөны, мый водзө вöчны.

– Деньгаыд эм, эм тані, сюрас на миянлы, водзө ышөдис быдтассө батыс. Сөмын гөрны ковмас мусө. Сэки нин быть сюрө.

Сидзи и вөчисны. Небзьөдөм му вылас батыс ид да шобди көдзис. Сюыс бур быдмис, зарни шепъясыс весьт кузя. Небыдик төвру кышөдчис сюын, а шепъясыс вашкөдисны: «Озырлуныд – уджын, уджын...».

Идралисны арнас няньсө, вартисны да Яренскө базар вылө быдса вөв додь нуисны вузавны. Уна и сьом нажөвитисны.

– Адддзан, Парпонь, пөсвятөдзыд кө уджыштан и зарниыд ачыс локтө тэлань, – нюмъялигтыр шуис пиыслы батыс.

Дона лыддысысь!

Меным нимкодъ, небөгсö лыддьöм бöрын кö, тiян петiс нюм да серам. Сöмын вöли эськö нöшта на нимкодъ, мöвпыштiнныд кö миянлысь öнiя оласног бурмöдöм йылысь. Öд кад нин асланым олöм вылö видзöдлыны, мед дзыкöдз эз киссьы сикт-грезд, эз быр да йывмы коми войтыр. Вайö отсалам öта-мöднымлы, мед коляс сöмын сьöлöм бурмöдан серам да дзыкöдз бырас синва сора серам. Кöсья, мед быдөнлөн сьöлöм вылас вöли кыпыд, а серам да гаж отсалiсны венны олöмысь сьöкыдлунъяс да тырмытöмторъяс.

А.Некрасов

ЮРИНДАЛЫСЬ

Серамбана кывбуръяс

Коми катша гозъя	4
Морт да сылӧн сёрни	4
Лӧсялісны ем да сунис	5
Коді тайӧ	5
Горшасьны оз туй	6
Лыско да Буско	7
Дивӧ	7
Бергӧдӧма олӧм	9
Ӧтчыд	9
Ёна джӧмдіс олӧм ладыс	10
Мелі ӧш	10
Тӧдысь	11
Тайӧ мортыс	11
Вина гаг	13
Кык пред	14
Кор сьӧкыдлункӧд нуан тыш	14
Ышӧдысь	15
Мед эз серав порсь	15
Сюра-сера мегӧ	16
Доддяліс «Троя»	16
Медшӧр мог	17
Гӧтрась, Вася	18
Ёртӧй, юӧмтӧ вунӧд	19
Олӧмыслӧн рӧмпӧштан	21
Дугдіс Саньӧ вина юны	22
Сиктысь сиктӧ	23
Рытгоров сёрни	24
Батя-пия	24
Шор да вӧр	25
Ур да кӧч	26
Частушкаяс	27

Серамбана висътъяс

Матрос Ёлик	30
Совла	30
Мырпомла	31
Сберкнижка	32
Карса шыбӧль	33
Лѣк висьӧм	36
Пернапас	37
Роч Вань	37
Вежа рытӧ	39
Крыса Миш да Тури Гриш	41
Ни льӧм, ни пельсь, ни пипу	42
«Дзоньвидза» закон	43
Юрсиктӧ	45
Юркарын	47
Лагун тув	48
Катша шьд	49
Парижса гӧсьт	51
Ӧзйӧны бакенъяс	52
Вӧв яй да ур яй	53
Петыр Микол – вина гаг	56
Том велӧдысьяс	58
Петис сынӧднас лолыштны	60
Водзӧс	61
Гӧтырлӧн висьӧм	63
Путассу	63
Отсасьысьяс	64
Выйов	65
Вакакан	67
Тшыкӧдчысь	67
Тэрыб	68
Ур куяс	68
Кык вок	71
Сюзь да шыр	73
Озырлуныд – уджын	74



Александр Некрасов (Гамса) чужліс 1931 вося сора (июль) 30 лунö Емдін районьсь Гам сиктса Кырув грездын. Помавліс Гамса шөр школа да Коми пединститут. Комын куим во чöж вöлі Гамса шөр школаын директорöн, велöдіс математика. Сылы сетöма Коми АССР-са школаясысь заслуженной велöдысьлысь да Емдін районса почётной гражданинлысь нимгъяс. Коми йöз вöсна тöждысьöм да коми культура сөвмөдöм йылысь сійö сёрнитліс Коми войтырлөн көкъямыснан чукöртчöм вылын.

Александр Некрасовлөн петавлісны нин «Восьтіс öшиньсö кыа» (1987), «Авгя лэбач – коми кыв» (1990), Гöрд сатин дөрöм» (1995), «Шудыд – тэрыб лэбач» (1998), «Таланты были, есть и будут» (2001) «Чужаніной менам – мыла сыланкыв» (2002), «Чужаніной менам – мыла сыланкыв» – «Родина моя – задушевная песня» (2005) небöггъяс.



Литературно-художественное издание

Александр Иванович Некрасов

ОЛӢМЫСЛӢН РӢМПОШТАН
(Зеркало жизни)

Сатирико-юмористические стихи и рассказы
(на коми языке)

Художник В.А.Моторин
Художественный редактор А.Н.Некрасов
Компьютерная верстка – *Н.В. Вахнин*

Подписано в печать 02.02.2007. Формат 60×84¹/₁₆
Бумага офсетная. Гарнитура «Schoolbook»
Печать офсетная. Уч. изд. л. 2. Усл. печ. л. 4,65
Тираж 500

Отпечатано в ООО «Типография ПОЛИГРАФ-СЕРВИС» с дискет заказчика в
полном соответствии с качеством предоставленных материалов
г.Сыктывкар, ул.Ленина, 4.
Тел.: 21-48-36

